

四庫全書

子部

欽定四庫全書

子部

萬姓統譜卷六十九至

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣李 燾

謄錄監生臣陳元熙

欽定四庫全書

萬姓統譜卷六十七

明凌迪知撰

下平聲

十四鹽

嚴

天水宮音平姓楚莊王支孫以謚為氏莊周楚人莊忠漢人後避漢明帝諱漢書改為嚴又望出馮翊華陰

嚴安

臨淄人武帝朝以故丞相史公相安在何相見之晚也

科郎中後為騎馬令

嚴尊

閩中人為長安令治嚴明遷揚州刺史後當遷吏民遮道止之凡三遷軌不得行

嚴延年

字次卿下邳人少學法律為郡吏舉侍御史宣帝初即位勅奏霍光擅廢立亡人臣禮朝

廷肅然憚之後為涿郡太守務摧折豪強扶助貧弱令行禁止遷河南太守咸震傍郡

嚴彭祖

字公子延年少弟以春秋公羊名家宣帝時為博士歷河南東郡太守入為左馮翊拜太

子太傅廉直不事權貴人或勸其少自勉強彭祖曰凡通經術固當修行可委曲從俗苟求富

貴乎

嚴望

傳朱雲之學宣帝時為博士後至泰山太守

嚴舉

巴郡人延熹中為父行喪踰禮過恩旌表門閭

嚴遵

臨邛人即嚴君平善易卜筮于成都市日閱數人每依卦辭教人以忠孝日得百錢足以養則

閉肆下簾讀老子揚雄少從之學曰其風聲足以激貪勵俗亦近古之逸民也益州牧李強召

為從事不就
卒年九十餘

嚴青

會稽人居貧常於山中作炭忽遇神人授書一卷曰汝骨可長生并教服石髓法青授之即見

左右常有數十人侍之嘗夜行都巡呵問何人青亦呵問都巡怒叱從兵收之青亦叱從神錄

之青徑去而都巡等人馬不能動明旦鄉人曰必嚴公也報其家往謝青乃放去青後斷穀一

年仙去

嚴象

字文則京兆人少聰博有膽智為揚州刺史

嚴詡

哀帝時為潁川太守詡以孝行為官謂掾史為師友有過輒閉閤自責終不大言郡中亂王莽

遣使徵詡官屬數百人為設祖道詡據地哭掾史曰明府吉徵不宜若此詡曰吾哀潁川士身豈有憂哉我以柔弱徵必選剛猛代代到將有僵仆者故相弔耳詡至拜為美俗使者

嚴光

字子陵餘姚人少有高名與光武同遊學及光武即位乃變名姓隱身不見帝思其賢乃令以

物色訪之後齊國上言有一男子披羊裘釣澤中帝疑其光乃備安車玄纁遣使聘之三反而後至車駕即日幸其館光臥不起帝即其臥所撫光腹曰咄咄子陵不可相助為理邪後引入內論道因共偃臥光以足加帝腹明日太史奏客星犯帝座歎曰朕與故人嚴子陵共卧耳除諫議大夫不屈耕於富春山

嚴忌

姓莊後避明帝諱稱嚴由孝人忌與司馬相如俱好辭賦哀屈原受性忠貞不遇明主而遭暗

世乃作辭嘆而述之曰哀時命遭景帝不好辭賦無所得志聞梁孝王右文通賓客乃徒步入

梁受知孝王與鄒陽枚乘俱見尊重而忌名尤著世稱嚴夫子

嚴助

會稽吳人忌子以中大夫諭意南越還上問所欲拜為會稽太守數年不聞問賜書曰制詔會

稽太守君厥承明之廬勞侍從之事懷故土出為郡吏會稽東接於海南近諸越北枕大江間者澗焉久不聞問具以春秋對母以蘓秦從橫助恐上書謝願奏三年計最詔許因留侍中

嚴麟

廬江掾肅宗崩麟奉章弔國馬死不進廡范命從騎與之不告而去

三嚴顏

劉璋使守已郡為張飛所擒顏曰有斷頭將軍無降將軍飛怒命斬之顏色不變曰斫頭便斫

頭何愁耶飛
壯而釋之

嚴峻

字曼才彭城人少耽學性尤純直避亂江東張昭薦之孫權以為騎都尉及魯肅卒權令代鎮

陸口峻固辭後為衛尉使蜀蜀相諸葛亮善之著孝經傳潮水論

嚴卿

晉人善卜筮

晉嚴高

太康中為晉安太守以寬惠得人心

北嚴植之

字孝源秣歸人少善莊老精解喪服孝經性語及長偏習鄭氏禮周易毛詩左氏春秋性

博謹不以所長高人梁天監中兼五經博士生徒常數百講說有區段次第析理分明後遷中

撫記室
參軍

嚴世期

有司奏榜其門
義行嚴氏之門

唐嚴譔

朝邑人高宗時舉銷聲出藪科及第武后時為
詳審使平治八百餘人又嘗按囚罷疑不實者

百人酷吏來俊臣等疾之誣以罪謫交趾五歲
得還拜右散騎常侍子向乾元中為鳳翔尹

嚴挺之

名浚以字行華陰人資質軒秀重交游許與
生死不易張九齡雅知之每曰嚴大勳苦舉

進士并制科為洺州刺史以為治
吏皆憚之開元中為尚書左丞

嚴武

字季英華陽人父挺之少好學舉進士制科歷
官刑部侍郎遷左丞武幼豪爽房琯薦為給事

中玄宗擢為成都尹遷黃門侍郎後節度劍南
破吐蕃有功從孫綬擢進士第官至尚書右僕

射荆南節度
封鄭國公

嚴郢

字叔教華陰人父正誨以才吏更七郡郢弟進士大歷末為京兆尹嚴明持法疾惡撫窮敢誅

殺盜賊衰號稱職尹

嚴維

字休復唐語林云白公除杭州替嚴員外休復休復有時名公喜為之代白公清輝樓詩序云

嚴十八郎中在郡日改制東南樓因名清輝未立榜召歸郎曹

嚴隆

閩中人節度使武玄孫也父廣遠任馬氏為評事因以女適周行逢至隆遂遷華容死葬石首

鹿湖山今其家分為八族

嚴震

梓州人兄仇舉進士累官行軍司馬震為興鳳兩州團練使韋揔狀其治行為山南第一後遷

山南西道節度使累進同平章事卒贈太保謚忠穆從弟礪為興州刺史累官尚書左僕射節

度東川卒
贈司空

嚴綬

挺之孫擢進士第以侍御史召為刑部員外郎擢河東司馬工部尚書左僕射封扶風郡公進

司空在鎮九年施政尚寬惠治聲流聞士馬孳息進少傅贈太保

嚴礪

興州刺史後為節度使寬明簡惠嘗疏嘉陵江通漕以饋成州

嚴維

字文正越州人武德進士授校書郎為諸暨及河南尉又充河南嚴中丞幕府終于校書郎所

著有詩一卷

嚴羽

字丹丘邵武人有才名議論深到自號滄浪逋客

五代嚴可求

徐溫幕命僚張顥使人刺之可求不動神色自若盜竟舍去

宋嚴顥

字威卿吉水人皇祐進士為河源令持身以廉邑人惜其去餞以海錯舟行十餘里家人發缶

得金告顥亟命停舟名餽者還之

嚴肅

字成之大中祥符間由大理丞知南安軍以通敏之才正直之氣勸善懲惡詞訟止息輦運無

滯物產盈美

嚴希孟

沿海人博文通史尤長于詩父文式蚤卒家頗寒約母李氏御衆有法持家極嚴希孟惟

母命是從家日羸裕母自奉愈約希孟一如母心元祐三年母感瘧癰希孟憂藥弗效禱亦無驗密割股肉炊以啖母其疾遂痊鄉人稱曰嚴家孝子母終喪莫哀毀如禮與人相接未嘗有

容笑

嚴有翼

紹興間教授南劍州學精理明動以師道自任搜剔經髓講授諸生意融而言隨聞者爭

聽戶外之

屢常滿

嚴抗

字汝抑紹興進士歷官諫議大夫累擊豪倖有奏議通篇

嚴大猷

蒼溪人吳曦僭蜀大猷詩云笏未到手難擊此兵如入手易擒吳後以持奏名授隆慶府

司理參軍著補闕蜀都賦方山集四卷

嚴續

有歌姬唐錫有通犀帶唐有慕姬之意嚴有欲帶之心各出姬解帶賭之唐求大勝乃酌酒姬

歌一曲而別續悵然遣之

嚴思義

字仲和臨川人乾道初進士誨人以踐履為先朱熹薦之仕至寧國府倅全活淮民流徙

者甚衆老歸故里卒年九十四

嚴珽

字玉甫性嗜學才識高邁襟懷弘遠言論侃侃為劍南節度使剴析無滯察察服其能兵民懷

其惠文章事業咸足人聽卒于官

嚴昌裔

字慶曾零陵人紫巖先生張浚謫永州裔登其門而受學焉南軒實與之為友云

嚴九齡

字德延新喻人質敏嗜學教授里塾高蹈不仕紹興間膺薦不出年九十四終

嚴世父

新喻人隱居不仕師事朱子有疑義問答往復書帖鄉人祀之于學

嚴粲

字明卿邵武人精毛氏詩所輯詩名嚴氏詩輯

嚴滋

字泰伯臨川人端重明敏象山曰始吾聞泰伯賢今觀氣象聽談論可與適道郡博士禮為前

序新學舍核學計知無不為舉進士不第著十
論扣閣晚主郴陽簿而卒有寄臆松葉守軒草

錄東征雜
著藏于家

嚴仁

字次山邵武人好古博雅吳曦叛楊巨源誅曦
安丙甚而殺之仁嘗作長憤歌為時所傳誦又

有清江款乃
歌行於世

嚴參

字少魯羽之族志則崖岸外無庶幾或勸廣交
延譽則掩耳不答高臥中林瞪視一世自號三

休居士與丹丘次山
齊名世號三嚴云

嚴嘉謀

字造遠九齡之子世業儒教授里中兩預計
偕郡守嘗以其經術孝廉薦于朝三邑士大

夫又列其行誼乞
加旌表上可其請

嚴嘉賓

字造道嘉謀之弟乾道進士強學工文為俊進師表篤於孝友兄弟同居二十餘年並篤

友愛略無間言父子昆季俱以學行聞於時士林多重之

嚴瑞

字元瑜江山人紹興中進士官平江府錄事參軍卜居汎仙山之陽以文字名家有溪閣翕耳

嚴晃

字昇之漂水人精於周禮第武舉進士授教諭元兵渡江負其母避難卒與兵遇兵欲刃其母

晃以身蔽之中頸幾死終身不能仰視壽七十八卒

元嚴實

字武叔長清人金時除長清令為主將所疑挈家依益都張氏避之後歸元為東平路行軍萬

戶有功德于民初彰德既下又破水柵帶孫欲屠之實曰此國家舊民吾兵力不能及為所脅從果何罪耶帶孫從之實在徐邳間以河南破屠戮必多乃載金繒往贖之且約束諸將毋敢

妄殺會大饑民北徙法藏匿逃者保社皆坐逃
亡無所托實命作糜粥或置全活者甚衆部曲
有逃歸益都者實置不問卒封
魯國公謚武惠子七人皆貴顯

嚴忠濟

字紫芝實第二子襲東平路行軍萬戶開府
布政一法其父世祖南伐詔率師所向無前

大臣有言其威權太盛召還命其弟忠範代之
忠濟治東平日借貸於人代部民納逋賦及謝
事債家執文券來徵帝聞之
悉發內藏代償卒謚莊孝

嚴忠嗣

實第三子充東平路管軍萬戶從兄忠濟略
地揚州取邵伯埭渡淮與宋兵相拒嗣渡江

分部攻城斬獲甚衆師還授金虎符中統間累
立戰功後憊青濟之亂居大藩者子孫不得親

政乃罷
官居家

明嚴德

當塗人元末從高皇帝征伐有功累陞左翼元帥府統軍元帥會張士誠據兩浙令德統兵征

之連戰皆捷遂令守禦杭州洪武元年天台賊反德往討之中流矢卒上悼之贈驃騎上將軍

封天水

郡公

嚴震直

字子敏烏程人器宇宏偉洪武初以稅戶授布政司叅議累官工部尚書轉右都御史所

至能聲輝著嘗出使安南不辱君命朝廷特加寵眷詔優其丁役以旌表之

嚴杞

洪武初知武功縣革煩以簡愛民以誠民懷其德去任雖久而不忘焉

嚴毅

洪武中為侯官縣主簿持已清慎邑嘗旱禱雨輒應有盜掠毅遣捕之其徒甚衆有一渠魁

欲害毅乃詐為武官之仕置酒延款毅悟就席擒之盜遂息

嚴升

繁昌人洪武庚辰授青神知縣考績赴選部凡七試經義論策記銘詩賦皆立就陞江西僉事

官至都御史振肅風紀為神陽賦以見志

嚴烜

字熙叔懷安人永樂中以楷書預纂修例授八品秩辭乞歸養卒業後登進士拜監察御史奉

命按山東歲旱民饑奏蠲其科稅大發倉廩以賑之復按畿甸及四川河南皆有聲稱陞浙江按察僉事陳情乞典學校以便養親除金華教授卒烜性至孝少時祖母陳疾篤每旦禱于北辰求以身代且割股肉和粥以進居官三十餘年屋不增一椽業不增寸地士大夫稱之所著有韋齋集藏于家

嚴恭

仁和人永樂間進士授監察御史確持憲度務敦大體而不致情於察察所至有聲陞貴州叅

政卒兄子裕成
化二年登進士

嚴恕

字景用，軀幹修偉，氣性剛介。丙子，任湖廣寶慶知府。郡有採辦官，本長大，沉于水，人力不能舉。

恕親臨其所，祭告當境土神，一夜水漲而木自浮。人咸以為正直感神之助。丁內艱，改知臨江府。丁外艱，改知岳州府。永樂年間，因事免官，蕭然一寒士也。鄉邦惜之。

嚴孟衡

分宜人儀狀魁碩，不類南產。初為邑諸生，一御史行部至行慶，即禮過。天雨，拜於庭上。孟

衡屬聲曰：「拜下禮也。」今拜乎上，泰也。御史睦目視之，復厲聲曰：「怒目視君，大不敬也。」御史改容稱歎而去。後登永樂乙未進士，授監察御史。正色立朝，屢疏大臣不法百司憚其風。米陞浙江按察副使。丁外艱，服除，改四川剛正嚴毅人不敢干以私。所至貪濁悉自引去。於人少許可。同

列亦皆推讓其能權四
川右布政使卒于官

嚴本

字志道永樂十一年以薦仕刑部主事遷大理
左寺正持身謹嚴法比多所論正朝廷初建北

京分遣京官下郡國督所需甚急君詣太平先
後督者且至民懼夜懷金誤詣君所君笑卻之
絕口不復言既竣事太
平郡人頌其事以傳

嚴淦

字宗源莆田人景泰
甲戌進士歷都御史

嚴鉢

字文器弘治己酉以易經領江西鄉薦授杭州
府推官辨民冤抑務盡民情抗民德之杭出鹽

課典守者往往侵漁當道命鉢撤之商民各稱
其便三載考績囊橐蕭然時中貴專政凡考績
者無厚賂輒遲之或勸稱貸以與鉢曰凡貸必
斂民而後償也與其損民而利吾官盍去官以

無損吾民耶當道知其賢交章薦之轉北太僕寺丞因山東馬正消耗奏減十之二三芻牧之民稍獲其因尋陞知廣西平樂府事歷任五月土俗民情悉已按究後以病謝歸卒于家嘉靖乙巳提學蔡公克廉局清白吏嚴太守之門

嚴嵩

江西方宜人弘治乙丑進士仕至華蓋殿大學士少師削籍卒

嚴紘

字仲洲江浦人弘治壬戌進士歷布政

嚴鳳

字李祥歸安人弘治舉人歷知府所至有惠政績學砥行一時士大夫翕然宗之稱為溪亭先

生云

嚴時泰

字應階餘姚人正德辛未進士歷侍郎

嚴文梁

字子成烏程人嘉靖丙辰進士歷刑部主事性諒實有志操年三十五而卒惜不究其施

閻

太原官音周武王封泰伯曾孫仲變于閻鄉因氏

閻嘉

晉人

閻教

楚人

閻戢

齊人

閻渠

秦人

閻沒

魏舒屬大夫魏舒將受梗陽人女樂閻沒女寬入諫魏子召之食比至三嘆魏子問其故答曰

願以小人之腹為君子之心屬屨而已獻于解梗陽人

漢閻未央

三閻溫

天水人仕魏以涼州別駕守上邽會馬超奔上邽郡人舉迎之溫不能禁乃還州超復圍之溫

夜潛出欲告急夏侯淵賊執之詣超超曰若謂城中無救則貸汝溫偽許之及諸城下大呼曰

大軍不過三日至勉之超怒殺之

閻憲

為綿竹令邑人有夜行得遺錦者平明送縣憲曰夜行得錦是天賜也對曰縣有明府犯此則

慙人歌之曰閻君賦政明且和

晉閻續

字續伯安漢人祖國為魯功曹勸魯降魏封平樂侯父璞犛犛太守續博覽墳典慷慨有大節

仕晉以功封平樂鄉侯五子皆開朗有才力長子亨遼西太守

閻曾

武陵人避地涼州牧張茂專伯隴右築靈鈞臺人苦其役曾夜扣門諫之遂罷役涼人大悅

閻鼎

字台臣豫州刺史扶愍帝自宛起武關頻遇山賊士卒亡散次雍州告刺史賈疋疋遣兵護之

達于長安
即帝位

南閻慶

字仁慶善于綏撫能盡士卒死力屢獲勲勞遷驃騎大將軍

閻慶禮

為數城太守歲以家粟千萬賑恤貧者人賴以濟

閻元明

安邑人有孝行除北隨郡太守以違親養泣淚喪明悲號上訴許歸養一見其母目復明

有司狀聞詔表孝行復其家母亡服闋心喪不輟每忌日悲慟傍隣昆弟亦感而雍和百口同居

唐閻濟美

貞元末為福建觀察使先是觀察使于閻中置監牧馬百姓甚苦濟美至奏罷之

閻防

名見河岳英靈集

閻立德

萬年人與弟立本俱有巧思武德中立德嘗製袞冕六服咸有典則官至工部尚書立本

貞觀中自主爵郎中代兄為工部尚書總章初拜右相

閻立本

立德弟總章初拜右相太宗與侍臣泛舟春苑池見異鳥容與波上悅之詔坐者賦詩而

立本倅狀閻外傳呼畫師閻立本是時已為主爵郎中歸戒其子曰吾少讀書今獨以畫見

名與廝役等若曹慎毋習時姜恪以戰功擢左相故時人有左相宣威沙漠右相馳譽丹青之

嘲

閻朝隱

中宗朝修文館大學士張說論近世文朝隱若麗服靚妝燕歌趙舞觀者忘疲

閻伯嶼

為豫章都督王勃滕王閣記云都督閻公之雅望蔡戟逆臨

閻瑜

廣德末袁州刺史當兵革後專務德化招集叛亡四民復業及改撫州袁民蟻從吏莫能止

閻知言

天定二年任湖州刺史

五代閻寶

鄆州人仕唐為招討使梁唐戰胡柳唐軍敗莊宗欲退保臨濮寶曰夫決勝料勢決戰料情今

梁兵窘蹙其勢可破勝而驕怠其情可知莊宗乃整軍復戰遂敗梁兵

宋閻詒

鳳翔天興縣人以學問著聞擢進士第累遷秘書丞為監察御史裏行嘗使契丹頗諳北方疆

理契丹不能欺官至諫議大夫知同州

閻日新

臨渙人真宗時為供奉官遷文思使多所建
白累官坊州刺史知渭州兼涇原路駐泊鈐

轄終昭州團
練使知單州

閻守恭

榆次人父榮侗儻有志略劉繼元召辭不就
守恭體貌奇偉後徙家大名應募立功累遷

德州刺史為并代兵馬鈐轄御軍嚴雖家
居如對賓客常訪求郭進事而師法之

閻承翰

真定人為真定高陽關三路排陣都鈐轄時
中山屯兵甚衆艱於飛輓承翰請鑿渠計引

唐河水自嘉山至定州三十二里又至蒲陰東
六十二里合沙河經邊吳泊入界河以濟饋運

亦可旁為方田上嘉而從之
渠成人以為便優詔褒之

閻一德

嘉定初以朝請郎知真州時兵燹後官民居
略盡乃創建聽事所著有古今政事錄二十

卷觀厥撰述蓋亦有志于及物者

閻欽受

御史宿濠州高唐館有詩云借問襄王安在哉山川此地勝樓臺今宵寓宿高唐館神女

何曾入夢來

閻安中

紹興中進士唱名王十朋第一安中第二

閻象

知蘓州知其風俗而撫以善政恩涵濡民以蘓息

金

閻詠

高唐人氣節豪邁常慕張忠定公為人以狀元應奉翰林文字終于河南治中郡人祀之于鄉

賢祠其弟子康臨薦信好學四方之士經其指引為元初名卿大夫者甚衆與詠同登鄉賢祠

元

閻玉

中統初調曲陽尹興利革弊甚得民心至元初改葉城尹以疾卒兩邑著庶紀其異政為立遺

受碑

閻從

新安縣尉縣有繫麥商為賊所殺莫知主名從因集吏民至尸傍聽忽一人屏樹而立命卒

引詰之賊遂服嘗于道中遇數人騶從若貴游者從曰此巨盜也邏致之果得其實隣境稱為

神明

閻忠

平陽和州人父衍仕金殁於王事忠避兵山東家於高唐其才復善屬文仕元累官翰林學士

承旨

閻復

高唐人用王磐薦為翰林應奉會議加封孔子復受命為制詞有曰先孔子而聖者非孔子無

以明後孔子而聖者非孔子無累官翰林學士承旨遂授平章政事卒謚文康

有清軒集
五十卷

明
閻察

平定人洪武間進士除御史持大體論事侃侃太祖深器之以所言事榜於本州儒學門右激

進諸生陞浙江叅議中官在浙犯法察擊死之事聞上素知其直宥之尋轉本司左布政使及

卒教賜
祭葬

閻佐

字文輔商州人天順進士授御史嘗與中官勘事不合正色厲辭中官素知其直不敢違陞浙

江副
使

閻仲宇

字參甫隴州人成化乙未進士弘治初以按察副使兵備臨清素節清介分毫靡所私獨

持大體風紀振揚喜怒不形儀度古雅臨政必祈恩勝軍民咸陰受其庇時寒暑雨雪預示僚

屬節省趣候情多寬假法不少借罔不畏且愛也惠行法外民思無窮擢行之日軍民號泣者數千人後歷官太子太保兵部尚書兄仲實成化進士歷河南叅政所在持正有聲人稱二閻壽陽人凝重寡言笑幼讀書即能默會其義為文不事雕琢成化間進士授戶部主事監理鈔關商稅羨餘秋毫不自私陞河南潁州兵備副使修明軍政煥然改觀然性勁特不屈意於權閹坐是免官民立生祠祀之

閻璽

閻鵬

深州人守正不撓由進士任監察御史成化七年以忤中貴改諸城知縣愛民養士竭盡心力

捐俸建滄浪書院

閻秀卿

長洲人有睿資沉深好書泊如也文清綺雖未離當時體而婉麗典則逸情翩翩若其人

在目尤喜推轂後進人倫之鑒寔稱久焉
其行事乃盡佚去之未遠而一無可徵

閻禹錫

字子與洛陽人性警敏師事河東薛瑄登正德甲子鄉舉授訓導薦授御史提督畿內學

政所著有自
信集若干卷

閻閔

字尚友臨清人正德丁丑進士歷叅政

閻鄰

字德甫東平人嘉靖己丑進士歷大理寺卿

閻溥

字公甫興平人嘉靖癸未進士

閻樸

字文甫榆次人嘉靖乙未進士國子祭酒

嘉靖丁丑進士閻漳蓬萊人
隆慶戊辰進士閻邦寧原武人

詹河間羽音周宣王支子賜姓唐封詹侯其後為周大夫又望出渤海

周詹義大夫

詹嘉處瑕以守桃林之塞

詹父大夫

詹尹太卜見楚辭

詹柏伯昭公九年柏伯辭于晉

詹何楚詹尹之後以獨蒭絲為綸芒針為鈎荆條為竿剖粒為餌引盈車之魚于百仞之淵綸不絕

竿不撓

唐

詹必勝

婺源廬源人勇而敢為光啓初因官閩中與光州刺史王緒領軍至漳州會緒死王潮代

之必勝在軍中與潮弟審知善審知薦為軍校景福初潮遣審知收福州至城相持日久審知

一夕召諸軍校問攻城計必勝進曰此城東北壯西南虛若多設疑兵一持其東北預選敢死

士夜突其西南城必破矣審知稱善擢必勝為先鋒兵馬使領軍攻其西南越二日城陷必勝

冒矢石先登沒于城濠審知甚悼之厚殯于州城西南而奏其功賜廟額曰奉忠

五代詹敦仁

字君澤仙遊人嘗詣閩王昶上書昶命叅決軍事強以袍笏不受以詩謝之有周粟縱榮

寧忍食葛廬頻顧謾勞思之句

宋

詹庠

字周文崇安人祥符中進士官至三門白波輦運判景祐中進君臣龜鑑六十卷有詔褒諭云

汝策名雋科引籍華序夙究聖賢之學載馳儒
苑之名爰撫敏詞備存懿戒因燕居之一覽實

體要之可稱今其書行于世三子長彥
猷屯田郎次彥迪季彥方並應賢良

詹良臣

字元功遂安人為縉雲尉方臘起其黨犯處
州守貳俱遁良臣獨守城曰捕盜尉職也縱

不勝敢愛死乎率弓兵出禦之被執誘使降良
臣怒罵賊怒鬻其肉使自啗且吐且罵至死不

絕口時年七十二後贈通直郎
子大萬官至僉書樞密院事

詹本

字道生建安人溫言正行高抗不仕丞相江萬
里薦為郎先致書於本本方坐門前石磯垂釣

使者至問本居本紿曰前溪
即持竿渡溪去不知所終

詹惠明

婺源人熙寧間父坐事當死惠明詣郡求代
罪曰無以報罔極恩有二弟足以養母願以

身代父死遂坐府門以大父灼頂明日趨庭斷
右耳血出淋漓郡守駭之以狀聞詔減父罪賜

惠明
錢帛

詹範

字器之崇安人知惠州從東坡先生游先生嘗
有次韻桂酒二詩稱其治行類龔渤海云靖康
間官京師張邦昌迫以偽命不受逃歸行在高
宗即日召對奏兵事甚詳上喜曰卿忠臣也擢
為太常丞遷
祠部員外郎

詹洗

為福州侯官令子名豪移家建之建陽生五子
一居嚴陵一居信城一居太末娶女之間留武
夷者其二子焉肇為御
史中丞沆為侍御史

詹時

字亨仲良臣之兄也累官至朝議大夫戶部
侍郎子延年舉進士累官朝請大夫知池州

詹大方

遂安人良臣子登政和五年進士第父死難時大方已仕矣累官端明殿大學士工部尚

書簽樞密院事封遂安縣伯食邑八百戶贈太師

詹公荐

字文舉崇安人政和中上舍出身張邦昌僭位欲官之公荐逃匿間道至行在擢太常丞

詹淵

字景憲崇安人調臨江戶曹掾江西俗尚鬻訟有數年不決者淵一閱之皆得其情於是環十

一郡之民有求質於有司者皆請屬淵因語之曰寧為戶曹非不願他官直

詹度

字安世縉雲人政和初知真州莅任未幾深知民俗利病以課最重書褒之如直龍圖閣度嘗

與郭欒師同知燕山府欒師欲居度右度告于朝廷恐其交惡也命蔡靖代度後度常言藥師瞻視不常趨向懷異怙寵恃功逆節已萌聞與金人交結背負朝廷與禍不遠願早為之慮

始遣官究問而金兵已南下矣其智勇如此

詹至

字及夫建德人仕為鞏州通判敵騎將及境合民兵七千人授甲登陴入與家人訣出約死守

敵遂遁去後隸張浚幕多所建明積官至左中奉大夫卒南軒張拭銘其墓朱文公書并題蓋

詹會龍

范縣人建炎間與同乳弟檜龍同召見年甫五歲時外省獻果上分賜會龍曰一孟果子

賜五歲之神童會龍應聲曰三尺草茅對萬年之天子上大異之擬補從事郎以幼未任賜還

未幾卒今其里有神童門

詹體仁

字元善浦城人父慥信豐尉體仁隆興中進士累官太常少卿孝宗崩率同列抗疏請光

宗親臨祥祭時議謚體仁言宜謚曰孝卒用其言後出知福州退居雲川博極羣書以存誠慎

獨為主為文
悉根諸理云

詹友端

字伯文宣城人政和鄉貢第一建炎初上書言金讎當復中原可取言甚壯激後戚方圍

宣城友端分城守禦匹馬輕裘奮當鋒矢以為眾倡賊平補迪功郎紹興壬子盜發西安郡委友端攝尉與賊力戰中流矢卒詔官其子

詹世勛

婺源人為修偉沉毅其勇莫敵紹興中為鈴江民兵正將金人攻城陷招世勛叱曰我

大宋義士豈肯降
汝金人攢箭射死

詹叔善

玉山人紹興中進士拜奉議郎諸王教授僅滿即求致仕壽皇嘉之官其子復賜語有知

止足勵士風之語先時叔善築書屋榜曰知止與詔語合人多題詠之又叔寧叔迴叔法叔義

皆其昆弟俱
登進士第

詹景仁

崇安人以文學辟掾三公府延祐間出貳浙東憲幕陞拜江西撫州路總管與京兆杜徵君本友善攜歸武夷平川景仁築萬卷樓本築思學齋懷友軒當時名公鉅卿莫不往過相與

唱酬
焉

詹義

字持國縉雲人善辭章元祐間馳聲大學後舉進士累遷給事中徽猷閣學士以才識聞

詹邈

施州人元祐中擢倫魁之選

詹慥

字應之崇安人安貧守道一介不取諸人誘掖後進孳孳不倦從游者多所成立尊為鄉先生為文操筆立就人以為腹藁晚任贛之信豐尉有文集二十卷

詹先野

字景舒崇安人經史諸子歷覽無遺天聖四年領鄉薦繼應賢良後竟不仕隱居廩江之

濱每嘯詠武夷山水間終日忘歸人謂其有倦風道骨焉嘗賦詩曰武夷溪九曲曲曲好垂釣

自得江山樂
何須公與侯

詹駉

字晉卿遂安人淳熙二年狀元官至龍圖閣學士知定國府

詹阜民

字子南遂安人累官宗正寺丞兼駕部郎中知徽州府民為立祠與朱文公同祀焉

詹儀之

字體仁遂安人銳于問學舉紹興二十一年進士淳熙二年知信州時朱熹呂祖謙在鶴

湖論學儀之往復問辨無虛日後帥廣東論廣鹽官幣之弊孝宗避之除吏部侍郎知靜江府

在任六年官幣弊革未幾代者中以飛語遂謫袁州公論惜之

詹師文

字叔簡，崇安人。刻意好學，慶元中第進士。調江西憲司檢法官，治獄無冤。討平赤水開賊。

秩滿歸家，與真德秀郇應龍交遊，不復仕進。

詹鼎

字德寬，崇安人。嘉泰二年進士。調吉州安福尉。時有婦人陳其姓者，非命而死。官屢檢視，不得。

其實上司檄公檢覆，果見其腹脹，因推究之，得竹刃於隱僻間。賊亦隨獲，開禧間校文臨川，尋調瑞州法曹。

詹適

字德遠，縉雲人。幼嘗廬墓，有靈芝之瑞。嘉祐中進士，仕至龍圖閣學士，居官廉正，所至多有惠。

愛文章，政事俱優。

詹應陳

字俊卿，幼警悟，志趣不凡。以禮記舉進士，調衢州戶曹公廩，自許德祐丙子元兵南下，三

宮赴北叅政徐方溪扈益王走廣超江村戍浦
城應陳匍匐從之遇大軍俘焉使治馬芻善調
獲欲任以行軍掌書記應陳辭以不善書逃歸
卜築書院琴書自娛至元己丑劉忠齋薦應陳
辭曰山林之士避名久矣服
儒衣冠而効瓶乳吾不為也

元
詹崇朴

字叔厚安樂人經義貫融卓為名儒大德中
夏友蘭建鰲溪書院吳文正公為作啓請崇

朴主其教學者多所成
就所著有奎光集藏于家

明

詹同

字同文新安人穎悟好學元奎章閣學士虞集
見之曰才子也以其弟槃之子妻之舉茂才異

等為郴州路儒學正遇亂家黃州歸附本朝授
國子博士累遷學士承旨兼吏部尚書文章高
古操行耿介始終
清白後致仕卒

詹彥中

臨淮人元末辰沅蠻叛命鎮辰州創衛所增浚城池軍政嚴肅洪武初拜湖廣行省叅知

政事辰有五溪為槃鉢蠻獠雜處彥中動中機宜勲猷德化流溢湖湘卒于任即人立懷德碑

詹鳳翔

字道存樂安人元末已有文聲洪武庚戌被薦赴京以病免歸任本府儒學訓導鳳翔自

少至老未嘗一刻手去書冊多著述有家禮括要律呂新書括要理學類編及文集等書

詹俊

字國章當塗人洪武初磁州同知始至大書坐隅曰忠勤廉謹民有掘故址得藏金納半于官

俊不許而歸之嘗遇飛蝗呼天哀告蝗遂出境遇久旱作歌自責大雨即至民至今思之

詹徽

同子洪武中歷官左僉都御史遷左都御史吏部尚書以公勤復其家後坐事廢大誥稱其剛

斷嫉惡不容奸偽子紱為太子洗馬改尚寶司丞

詹仲和

名僖號鐵冠道人鄞人初為縣諸生已而棄去學書師王右軍樂毅論東方朔贊及趙子

昂度人經金丹四百字七觀焦君碣諸帖皆逼真年七十餘燈下作小楷如蠅頭狀道勁可法

父復禮稱善書僖實過之兩京俱有碑刻人皆珍焉僖名動公卿而亢潔自好終不屑丐一官

人以是益高之

詹希原

字孟舉廬源人承旨同之從子以書學名世洪武初吏部奏差鑄印局副使陞中書舍人

宮殿及城門坊扁皆其所書陶九成云希原正書師虞永興富有繩墨其字愈大愈好楊文貞

公云國朝大字希原為第一蓋兼歐虞顏柳之法而有冠冕佩玉之風者

詹勛

字昂之夔州人洪武五年知東莞縣嚴以馭吏寬以愛人廉介有守修飾壇壝以嚴祀典推人

戶甲乙以均力役又重修廟學時海瀕寇發躬率衆擒之迫逃之卒繫之還其籍境土寧謐民

樂其生

詹源

字汝潔安谿人弘治乙丑進士歷副使

詹軾

字敬之玉山人正德進士授行人上將南狩軾抗疏極諫廷杖死贈御史

詹翰

字汝約玉山人正德進士歷刑部右侍郎

詹珪

字朝章江西鄱陽人由水部郎中嘉靖八年陞建寧知府愿恪公勤有斷有守劾漏澤園行古

冠禮先是兩衛預備倉穀歲久坐累軍斗珪請以易月糧而抵銀在官人甚便之善政不可殫

書不事表褫去後民追思樹遺愛碑于名宦祠官終貴州副使

詹萊

字時殷常山人嘉靖丁未進士知金谿縣年少行事老成時民間苦劫掠加意擒捕盜聞之逃

奔他境後以憂去歷僉事

詹榮

直隸山海衛人嘉靖十二年為戶部郎中以理儲至大同有父喪值叛兵之變不克去榮素允於出納為諸軍所服至是密啓督府計擒首惡平定安集之功居多二十三年復巡撫大同陽和之役飭備發援鎮人賴之

廉

河東角音顓頊孫大廉之後以字為氏

周廉頗

趙人惠文王時將兵伐齊大破之取晉陽為上卿以勇氣聞于諸侯故強秦不敢加兵于趙

廉潔

衛人孔子弟子後世封莒父伯

廉褒

趙人

漢廉范

字叔度杜陵人父遭亂客死于蜀時范年十五迎父柩船破俱溺以救得免明帝時范舉茂

才遷雲中太守匈奴不敢犯後徙蜀郡民歌其政初范與慶鴻為刎頸交時人稱曰前有管鮑

後有慶廉

廉丹

校書

廉公諤

堂邑人為萊蕪令民歌曰甌釜生塵魚境內安以樂昔聞范史雲今見廉公諤累遷司農

少卿出知滑州治聲流聞于時

唐廉坦

相城人進兵破蘭道明死節

宋
廉布
楚州人
登科

廉操毅
昌州人

廉嗣復
趙州人

廉復
章丘人有隱德為世所重治平間詔舉遺逸刺史王才叔薦之不起李格非為墓銘

廉義

廉祿
俱元豐進士

元
廉希憲
字善甫至元中以平章行省事于荆南禁剽奪通商販興利除害兵民按堵官至丞相立

朝諱正命受帝師戒對曰臣受孔子戒者

廉恂

集賢大
學士

明

廉廣

成化間都督僉事
征兩廣蠻賊有功

廉政

字公舉都指揮僉事
成化間掌河南都司事

廉瑞

獲嘉人正德
中湖口縣丞

廉文明

龍山衛人正德
中清河知縣

廉靖

鄱陽人萬歷
丙子舉人

潛

臨川見
姓苑

宋潛說友

縉雲人知
平江府

欽定四庫全書

萬姓統譜

五

潛有成

登進士開封人

潛時舉

江陵人

潛起

朝散大夫江陰司戶

明潛溟

字彥鴻高安人永樂進士授御史成祖遣使北平命十數事既出追還詔問對無遺上器之遇

事有難決者輒曰付虎眼御史謂溟也紀網不法溟得其狀以聞仕至廣東副使

潛玉

福州人永樂間大寧縣知縣

潛瑜

海鹽人宣德中湖廣辰州府推官

潛儒

上高人正德中湖州府同知

潜洪

德州人嘉靖中
任江陰縣丞

鹽

北海見
姓苑

漢
鹽津

北海
相

鉞

巨淹切

周
鉞巫季

魯大
夫

鉞虎

秦大夫三
良殉獎者

苦

失廉切

周
苦夷

魯大夫
家臣

宋

苦穀

眉州人宣
和進士

粘

明

粘鵬

武邑人洪武庚
午舉人任教諭

粘佐

武邑人洪武
中任經歷

粘宣

貴縣人成化中
任東鄉縣知縣

粘承光

巴縣人正德中任
懷寧縣學訓導

粘燦

晉江人正德間
南京監察御史

占

陳子不占之後
以王父字為氏

宋 占統 達州人太
子中舍

明 占恩 桐柏人嘉靖陝
西莊浪縣丞

添 見姓苑

宋 添穎 龍溪人循
州司戶

明 添禮 沙縣人洪武中
增城縣知縣

檀

明 檀求 宜陽人監生永樂十
五年任廣西右叅議

檀徽 渭南人景泰中湖
廣慈利縣知縣

欽定四庫全書

萬姓統譜
卷六十七

五

種璽

宜陽人成
化舉人

僉

見姓苑

明

僉陽

汝陽人成化間
邢臺縣教諭

瞻

瞻思

真定人少穎異日記千餘言及長博極羣籍泰
定初以遺逸徵至尋辭歸後召拜翰林應奉文

字出為陝西行臺御史首舉國家大政十餘事
上于朝累遷江東廉訪副使卒謚文孝思邃于
經學天文地理鍾律筭數水利外國之書皆極
究之所著有四書闕疑五經思問及碑銘等文

漁

漢
瀟汝
印
藪

閆
見姓苑

晉
閆亨
懷帝時志頗驕盈遼西亨以書固諫殺之

明
閆岑
武定人正統中并陘縣訓導

閆煜
朝城人正德中唐府長史

閆肅
武定人嘉靖甲午舉人

閆三聘
陝西人嘉靖中元氏縣知縣

兼
衛公子兼之

欽定四庫全書

萬姓統譜

天

十五咸

咸

汝南巫咸之後音減又云如字今東海有此姓

漢

咸宣

為御史幾二十年

唐

咸冀

開元十八學士之一圓形含象亭

咸廩業

殿中侍御史世居東海臨朐

明

咸大昌

萊陽人嘉靖中任江陰縣丞

咸懷良

萊陽人隆慶戊辰進士

汜

周大夫食采于汜因以為氏望出燉煌音帆又音凡

漢 汜勝之

撰農書十八篇劉向別錄云使教田三輔
有好田者師之武帝時為議郎遷御史

汜昭

桓靈間人濟北英賢傳云汜昭載所
徐晏夏隱劉彬時人號濟北五龍

汜騰

字無忌舉孝廉為郎中散家財五十
萬以施宗族柴門灌園琴書自適

晉 汜毓

字稚春濟北盧人客居青州父終廬墓所三十
餘載武帝召補文學秘書郎太傅參軍並不就

奕世儒業敦睦九族時人號其家兒無常母
衣無常主撰春秋釋疑凡所述七萬餘言

汜衷

與索靖等馳名海
內人號燉煌五龍

汜幼春

有操行七世同
居家人無怨色

唐 汜蒙

詩人

汜雲

刑部郎中

汜璜

大將破交趾

明

汜震

桂林人成化中
容縣教諭

汜東

貴州人弘治廣
西平樂府經歷

汜相

字希周宿州衛
人嘉靖貢士

凡

晉陵姬姓周凡伯之後凡蔣邢茅
俱周公之胤陝西寧羗縣有凡氏

函

音咸見
姓苑

漢

函熙

豫章
太守

鈇

音鏹
姓苑見

明

鈇資

玉田人正統間
欽天監靈臺郎

闌

音闌
直音見

萬姓統譜卷六十七

欽定四庫全書

萬姓統譜卷六十八

明 凌迪知 撰

上聲

一董

董

隴西角音黃帝之後姁姓國有颺叔安裔子董父好龍龍多歸之曰秦龍氏舜賜姓董因氏

唐

董父

舜時秦龍氏相傳為今聞喜人

周

董狐

晉史官靈公欲殺趙盾盾出奔已而趙穿弑公盾遂復董狐書曰趙盾弑其君盾曰不然對曰

子為正卿亡不越境復不討賊非子而誰孔子曰董狐古之良史也

董安于

趙簡子使治晉陽民樂其政

漢董公

新城人秦之隱士史失其名說漢高祖討弑義帝者曰順德者昌逆德者亡兵出無名事故不成

項羽無道放弑其主天下之賊也夫仁不以勇義不以力大王宜率三軍以伐之

董仲舒

廣川人少治春秋下帷講授三年不窺園圃以賢良對策勸武帝勉強學問行道設誠於

內等語帝嘉之以為江都相仲舒學有源委正誼明道之言度越諸子為漢醇儒

董宣

字少平陳留圉人為洛陽令時湖陽公主蒼頭殺人宣格殺之帝怒強使叩頭謝主宣兩手據

地終不肯俯因勅強項令出賜錢三十萬宣悲以班諸吏及卒帝遣使臨視唯見布被覆屍大

麥數斛帝曰董宣廉潔死乃知之子竝官至齊相

董鈞

字文伯資中人習慶氏禮永平初為博士時草創郊廟禮樂威儀章服多從鈞議當時稱為通

儒果遷五

官中郎將

董黯

字叔達句章人董仲舒十世孫事母孝比隣王寄之母以黯能孝諷寄寄忌之伺黯出辱其母

黯恨之後母死斬寄首以祭母自陳于官和帝詔釋其罪且旌異行召拜郎中不受

董扶

綿竹人靈帝時私謂劉焉曰京師將亂益州分野有天子氣焉遂求出為益州牧扶亦歸蜀後

天下大亂昭烈稱

帝於蜀皆如扶言

董正

字伯和番禺人漢末累徵不起操守清白志趣高尚晉南海太守表彥伯奏旌其門

董昭

字公任定陶人初事袁紹歸曹操勸操挾天子令諸侯卒成霸業拜司徒嘗上疏陳末流之弊

卒諡
定侯

董永

千乘人少失母獨養父流寓孝感父亡無以葬乃從人貸錢一萬曰後無錢還當以身作奴茔畢忽道遇一婦人求為永妻永與俱詣錢主令織纈三百足以償一月而畢辭永去乃曰我天之織女緣君至孝天帝令我助君償債言訖凌空而去

董仲

永子母乃天之織女故仲生而靈異數篆符鎮邪怪嘗遊京山潼泉以地多蛇毒書二符以鎮之其害遂絕今篆石在京山之陰

董班

字季宛人少游太學尊事李固才高行美固誅奔赴哭泣盡哀守尸不去桓帝嘉其義許送喪

墓隱德

不仕

三
國董恢

字休緒襄陽人事先主為宣信中郎費禕使吳恢副之孫權大醉問楊儀魏延牧豎小人禕不

答恢曰今方掃除強寇混一區夏功以才成業由才廣若捨此不任防其後患是猶有風波而

逆廢舟楫非長計也權大笑諸葛聞之以為知焉辟為丞相府屬遷巴郡太守

董和

字幼宰南郡枝江人劉璋以為成都令時蜀土富實百姓僭侈和躬率以儉所在移風變善轉

巴東都尉遷益州太守清約如前南土愛信昭烈定蜀與丞相亮竝署大司馬事外牧殊域內

幹機衡二十餘年死之日家無儋石之儲

董允

字體昭和子蜀漢黃門侍郎丞相亮出師表稱其良實志慮忠純宮中之事悉以咨之必能裨

補缺漏有所廣益延熙中守尚書令

董襲

字元代會稽人身長八尺英烈過人孫策署門下賊曹以平黃龍羅周勃功拜別駕司馬尋遷

揚武都尉平彭虎功拜威越校尉遷偏將軍從討黃祖襲百計禦之與凌統各將死士百餘人人被兩鎧乘大舸突入祖兵失勢襲縱大軍繼之遂斬黃祖功第一從權逆曹操濡須口其夜暴風襲所督五樓船俱傾衆驚潰乞襲急出襲怒曰將軍令備賊可委去耶復敢言者斬於是莫敢言者船敗襲死權哀慟改服臨殯供應甚厚陸機曰吳大帝之能割據山川跨制荆吳與天下爭衡者襲有殺身衛主之功云

董徵

字文發魏人遷安州刺史因過家置酒高會曰腰龜返國昔人稱榮杖節還家云胡不喜

董厥

為丞相府令史亮稱之曰董令史良士也吾每與之言思慎宜適後稍遷為尚書令

晉

董景道

字文博弘農人少好學千里從師與人寡交明春秋三傳京氏易馬氏尚書韓詩皆精密

永嘉中知世亂隱於商洛山劉曜時徵為太子少傅散騎常侍皆不就

董遇

字季直華陰人性質直而好學興平中關中擾亂與兄仲耒共負販而常挾持經史其兄笑之

而遇不改建安中舉孝廉拜黃門侍郎

董京

逸士也初至洛陽逍遙吟咏常宿白社中後不見

董奉

居廬山有道術為人治病不取錢病重而愈者令栽杏五株輕者一株數年杏成林子熟時作一倉令買者隨器之大小易以穀若置穀少取杏多羣虎輒吼逐之所得穀悉以賑貧奉後仙去

董霸

永嘉中為平樂太守
破牂牁平夷等處

南
北董徵

衛國人身長七尺好古學尚雅素博通諸經仕
魏為四門小學博士宣武詔徵教授諸生累遷

至司農少卿光祿

大夫卒諡文烈

董紹

字興遠鮑陽人起家四門博士累遷兼中書舍
人為魏宣武所知豫州城人自早生以城內叛

紹懈勞為賊鎖送江東梁武使勞之云忠臣孝
子不可無之今當聽卿還國紹申梁武之志欲

以宿豫還魏魏以
漢中見歸魏不許

董常

河南人北面王通受王
佐之道備聞六經之義

董陽

三世同居詔榜門
曰篤行董氏之門

董謐

東武城人父京與同郡崔康時廣原霍原等俱以碩學播名遼海謐好學傳父業仕魏拜儀曹

郎撰朝覲饗宴

郊廟社稷之儀

董僧慧

姑孰人慷慨有志節好讀書膂力絕人能反手於背彎弓時人莫及事晉安王子懋為防

閤晉安欲討反側以復鄱陽隨郡二王之死僧慧攘袂勸之及晉安遇害與英皎號哭盡哀為喪殯主玄邈知其豫謀執之僧慧曰晉安舉義兵僕實豫議古人云非死之難得死為難得為主死無恨願至主人大飲畢就死玄邈義而許之還白明帝帝乃配東冶言及九江時輒悲不自勝子懋子昭基九歲以方二寸絹為書候其消息并遺錢以金假人得達僧慧覩書曰此郎君書也悲慟而卒

董伯仁

隨人善畫名畫記云顧陸張吳為正經楊陳董展為三史

隋董叔封

開皇四年為鹽亭令有德愛政暇宴遊鳳凰山後人思之號為董叔山

唐

董召南

安豐人苦學讀書隱居行義事親以孝聞韓愈嘗作董生行以送之有云嗟哉董生孝且

慈人不識唯有天翁知

董晉

虞鄉人擢明經拜祠部郎中持節使回紇德宗立授御史中丞貞元中拜相後封隴西郡公四

子全道著作郎溪秘書郎全素太子舍人澥太祝

董滿

長興人天寶三年父亡廬墓生芝九莖大中元年表其鄉曰嘉瑞

董全禎

德興人天祐中為御史兼八砦將首一日賊自浙東來全禎兵寡不能戰乃自斷其首已

而雷電晦冥如有戈甲甚盛賊大驚潰邑人廟祀之

董昌

僖宗時黃巢與王仙芝作亂自號踵天大將軍後轉掠江西再入饒信杭州衆至二十萬攻

臨安成將董昌兵寡不敢戰伏數十騎莽中賊至伏弩射殺賊將下皆走昌進屯八百里見舍媼曰有追至告以臨安兵屯八百里矣賊駭曰向數騎能困我况軍八百里乎乃還殘宣歙等十五州

董思恭

官至右史與許敬宗等撰搖山玉五百卷見藝文志又按杜正倫傳思恭為中書舍人與

正倫夜直論文思恭歸謂人與杜公論文覺吾文頓進

董龍

藍屋人家貧與里人共祀社衆買牲牢龍撰文以祭祭畢分胙久之衆不平逐出龍龍造祀飯

以祭祭畢泣於樹下將焚文有白鼠銜文入地穴掘之獲白金一斗龍不自私率衆首官縣令賢之奏表其

閭曰義夫閭

董宗本

仕漢隨州刺史綽有政聲宋太祖微時往依焉其子遵誨曰每見城上紫雲如蓋又夢登

高臺遇黑蛇化龍飛去是何祥也太祖皆不對及即位召見遵誨曰卿尚記往日紫雲黑龍之夢乎乃以遵誨為通遠軍節度使

宋董遵誨

范陽人太祖以西戎近邊使守通遠軍凡十四年蕃漢悅服許以便宜制軍事太祖解其

所服珍珠盤龍衣命齋賜之綜曰遵誨人臣豈敢當此太祖曰吾為委以方面不此嫌也

董衢

永新人由進士授棘寺評事乾德初改永新令時同年六人向相王仲華何昌齡郭堯卿蘇揆

分宰一郡各相規勵故為治廉平衢嗜酒然無過誤絕請託吏不敢欺事亦習而民亦安矣邑人段鵠顏儼未第時衢擬唐白樂天薦劉軻事薦鵠等入郡俱試擢進士第暨滿考百姓遮道攀轡及暮不能行次旦逃去官至中丞

董儼

太宗朝陳議為三司使董儼為樞副胡旦知制誥皆同年生旦夕會飲茶觴壺矢未嘗虛日夜歸金吾候馬首聲喏諺曰陳三更董半夜

董樞

元氏人為殿中侍御史宋初遷主客員外郎出兼桂陽監嘗上書請平吳伐蜀及取廣南累官兵部郎中歷知連襄州終判西京留司御史臺為劍州判官時李師雄之黨攻劍州樞引兵擊敗之招降者有數百餘人

董孝章

解州人真宗時十世同居同時又有潞州邢濬八世同居隰州趙友七世同居以所在請

加旌表從之
仍蠲其課調

董元亨

深州人累官國子博士通判貝州王則據城叛元亨坐廳事賊黨排闥而入左右皆奔潰

賊脅元亨索軍資庫鑰元亨據案叱厲聲張目罵賊遂被害事聞仁宗曰守法之臣也贈太常卿少

董揚休

神宗時以比部郎中知真州蘇轍有詩贈之奏課西南巖分符江海衝往來觀惠術蟠錯

試餘鋒文字從堆案尊墨強解
容金山只隔水時復聽晨鐘

董必

字子疆熙寧九年進士久從王荊公遊居官所至有聲後知荆南府多建堡塞以張控扼之勢

漢洞諸蠻由是不敢為寇以功再任卒贈龍圖閣直學士

董敦逸

字夢授永豐人舉進士歷知穰縣弋陽縣俱有惠政及民元祐中為監察御史出知臨江

軍哲宗復召拜御史上疏辨瑤華秘獄出知興國軍徽宗召拜諫議大夫極言蔡京蔡卞過惡

遷戶部侍郎

董乂

字彥臣治平間進士官魏王宮教授遷天章閣修撰遷大理寺卿進樂書釋青囊經進朝議大

夫敷文閣待制知華亭縣開國男哲宗勅云典教王官有忠孝勉旃之意司刑大理極寬恤剖

決之仁累賜劄問且題門牌云數封天子詔兩代帝王師

董端忠

字舜鄰政和間進士歷官至知嚴州建炎間提舉河北常平出使諭叛在道死詔立廟

董濬

字禹川崇寧進士除太學錄徽宗賜對陳治道千餘言大槩謂法前王述先烈以修飭法度歷

秘書正字員外郎起居郎秘書少監時有東宮官奏罷讀孟子濬力詆其非謂使東宮獨不得聞仁義之言堯舜之道乞罷言者上從之建炎間上書進所撰輔宋集興治綱領圖中興四議中興指掌圖國用須知上善之除江西提刑知興仁府召對立言為法在於立行先自治以定大業數百言復請祠明年請老所著又有五行新書同官辨疑大成書等集

董公偃

字安義來蘇人博物洽聞操行純正大觀中轉運陳覺民表奏以八行舉大司成考行如

章未及官卒公偃嘗作靜和軒於家鄉大夫林迪詩曰寂寂峯巒千古意溶溶花木一家春聘君陳易遊石所題於軒壁曰酒吸陽春入肺腸恭罷清風生肘腋安知石所洞中人不是武陵

溪上客觀此
可想見其人

董儼

字望之洛陽人以大理評事出
道判饒州史紀其俊辦有材幹

董少舒

字師仲蘭谿人世業儒篤行著於鄉父亡負
土築墳廬於左有靈芝生紫蓋之祥宣和中

郡守范之
才薦於朝

董將

嘉禾人紹興間以左朝請大夫守真州初廟學
頽於兵燹權寓城南非經久計將至始遷還舊
址文廟齋舍
粗克備焉

董德修

字仲修樂安人三赴漕試不第隱居力學曰
吾族自顯庸矣何必仕嘗遊象山之門終日

靜坐潛心理窟從之游者多德
成名立咸尊之曰心齋先生

董鼎

德興人自幼力學受業於勉齋黃幹得其端緒嘗著書傳纂疏行世同邑余芭舒亦潛心程朱

之學所著有

書傳解等集

董鉞

字義夫自梓漕得罪歸鄱陽遇東坡於齊安曰吾再娶柳氏三日而去官吾固不戚而憂柳氏亦欣然同憂患如處富貴是難能也令家童歌其所作滿江紅坡次其韻結句云便相將右手把琴書雲間宿蓋用樂天左手引妻子右手把琴書句也

董居誼

字仁夫臨川人淳熙進士充賀金國生辰使至北廷會有內變悉得其國中事宜以歸陞

學士四川制置使在蜀鎮靜不擾為政寬和民得安堵

董方

九舉不第號白蠟明經時以張鷟青錢學士為對

董傳

字至和有詩名嘗與東坡相從坡和其詩云麓
縉大布裹生涯腹有詩書氣自華厭伴老儒烹
瓠葉強隨舉子踏槐花空囊不便尋春馬眼亂
行省擇壻車得意猶堪誇世俗詔黃新濕字如

鴉韓魏公知

長安薦之

董湜

天水人家多田未嘗親治稼穡好讀書以教子
為樂住京師以錢萬緡買監書以歸後其子四

經登能書綬緯同
擢第而約繼之

董居安

字子安松溪人乾道間知順昌縣清儉如寒
士遇事明敏不倦時縣之醴法更變帑藏空

虛吏請如舊令計民產賃錢謂之綱本居安
以為賦外之斂不聽優游措畫不煩而辦

董楷

字正俞臨海人為績溪簿直寃獄賑饑饉修城
捍水遷知洪州有惠政官至吏部郎中有克齋

集

董琮

字玉振號復齋慶元間進士任龍陽簿明程朱之學所著有復齋集

董夢程

字萬里號介軒得朱子之學於黃勉齋登開禧進士官朝奉大夫知欽州著詩書訓釋

董燭

字季興受學沙隨程氏紹熙間進士知瑞安改辰溪值歲饑立救荒策民賴以蘇寧宗詔褒之

召見進所撰活民書勅日爾忠惟報國誠在愛民云云

董穎

字仲達以高第官學正學識醇正朱文公嘗叙其集

董與幾

字叔存紹熙進士任湖北提舉兩勅督軍務屢上方畧寧宗詔褒之轉朝議大夫所著有

觀光集

董銖

字叔仲登進士官金華尉朱子門人來學者必命銖與辨難然後折衷所著有性理註解易書

註卒黃勉

齋誌其墓

董槐

定遠人廣穎豐順美少喜言兵既而折節為學嘉定初登進士調靖安主簿累官右丞相魚樞密使為政務大體苟可以利國家知無不為進封許國公一日將暮值天雷雨大作槐起衣冠而坐為諸生說允諫

二卦畢遂卒謚文清

董洪

字穎實晉江人擢嘉定十三年進士第二人為太學錄遷博士司外通判南劍就知郡事蠲役

錢苗米以萬計創陝陽濟糴二倉以

待歉歲更築延平書院士民德之

董章

字文卿真定人為人廉明其政毅而寬公退不入內閫清坐弦歌每至夜分作善教二十四條

以勸民

金董積躬

字師道濟南人天德中舉進士歷縣尹知海州羣盜出沒積躬峻城郭嚴斥堠盜不入境

尋規措京兆府三白渠事至日以便民為已任凡所灌溉均得其利歷官山東東路轉運都勾判官兼提舉學校事

董師中

字紹祖洺州人少敏膽好學強記皇統中舉進士調澤州軍事判官累官叅知政事尚書

左丞嘗曰宰相不當事細務但一心正兩眼明足矣卒謚文定弟師儉亦登進士師金平遙縣丞捕殺劇賊一境以安時大軍後野多枯骨悉為莖之遷綿上令

元董俊

藁城人少力田長涉書史善騎射金末歸元以功累官左副元帥大小百戰無不克捷後圍金

主於歸德力戰而死俊忠實自許不妄殺
故人樂為之用後追封壽國公謚忠烈

董文炳

俊長子幼孤儼如成人以父任為蒙城令以
恩濟威有惠政從世祖取淮西率弟文用等

趙江南岸大敗宋兵巴延平宋還留事
一委文炳累官至中書左丞卒謚忠獻

董文忠

俊季子沉毅寡言內行修飭累官僉樞密院
事好賢樂善雖一介造門亦款曲接納苟有

才長必為聞達卒追封趙國公謚正獻子士
珍太傅清獻公士良開州尹士恭御史中丞

董珪

祁州人童時讀書即曉大義日記數千言父母
未之奇也一日隨父出道見古碑使視之一覽

輒記父大驚遣就明師學遂成其
業登至治辛酉第授定州路同知

董朴

順德人自幼強記師事樂舜咨劉道濟有求道
之志至元中用薦為陝西知法官未幾以親老

歸養召不起命以翰林修撰致仕卒年八十五
朴所學自六經及孔孟先儒微言莫不融貫其
旨為人清而通和而介

學者稱為龍岡先生

董旭

字太初少負英氣博通羣書天文地理靡不精
究習舉子業遭時不偶與名公卿交不避權貴
與穆爾固實最善邁為元進士以樞密院判官
總制浙東軍馬分紹興邁興師討方氏臺臣怒
其不稟命殺之公作詩弔之曰栢烏南遁志尤
荒不為中原駐夕陽周國詔頒明月死金人宴
坐岳飛亡枕戈仇有門人復罷弔哀聞百姓喪
我是侯門舊知己撫棺無路淚沾裳遂歸隱山
中後方氏據台慶強欲致之幕下公拒
不受遂遇害兄曾知無為州亦死節

董搏霄

磁州人累官河南行省右丞所至理冤獄革
弊政嘗克復杭湖徽饒諸路斬獲無算尋駐

兵南皮縣而毛貴兵奄至搏霄督兵力戰而死
事聞追封魏國公謚忠定是日其弟昂霄在濟
南亦死追封隴
西郡侯謚忠毅

董文用

衛輝路總管時有重役妨農文用驅胥校以
應民用不困又時議欲通衛河以便漕者文

用曰此地最下若通
之是無衛也乃止之

董文蔚

字彥華世祖時授豪城等處行軍千戶南鎮
鄧州與荆襄接壤境沿邊城壁未築是年冬十

一月修光化乙卯立毗陽丙辰築棗陽文蔚悉
總之治板幹具畚鍤儲餼糧運木石程其工力
時其饑飽藥其疾病見執役者常以善言撫之
弗事威猛衆咸感曰他將領役鞭箠怒辱不恤
困苦今董侯慈惠若此我
曹安忍負之各盡力成之

明董倫

字安常宛平縣人端厚質實能詩文洪武中為右春坊大學士久之出為河南叅政坐累謫雲

南洪武末召還禮部侍郎兼翰林院學士禮遇甚厚

董尚

洪武初知武進縣守法公勤為政簡肅至於修建學校撫恤黎民尤盡心焉至今人慕之

董荆

字宗楚元死節忠臣旭之弟博學好古長於詩文尤善於畫國初隱居不仕所作有翠微漫稿

洪武十七年上親問治道稱旨授以縣丞之職辭不就卒於家第薛後中進士

董琰

字子莊東安人洪武間歷官翰林編修國子司業時古厓吳溥在京師國學縉紳榮之賦詩有

兩京師案屬

臨川之句

董仁中

洪武中蒲田知縣一毫不取諸民蠶楚不施民大悅服卒於官貧不歸塋民相與營塋於

邑之西

劉山

董鏞

或作庸不知始所自起亦不知何許人建文時為監察御史諸御史有志節效忠本朝者時時

會鏞所誓不負此心將校懷貳不力戰者輒露章劾之靖難後衆所持謂鏞逆黨也論死家徙邊戍

董鏞

字孟聲仁和人永樂初登進士入翰林為庶吉士授文學官久之薦知永豐縣有學行詩文和平類其為人有文集三卷藏於家子璵仕至禮部郎中孫序中書舍人禮部主事

董鏞

字雷奉化人以父知徐州僑居於徐轟性溫雅博通經史詞翰兼美以徐州知州楊秘大學

士徐人權謹交薦
受承天門待詔

董璘

高郵人永樂戊戌禮部
第一進士第一歷修撰

董琳

字廷瑞鄞人景泰五年進士除南京監察御史
時戶兵刑工四部尚書及國子祭酒皆不職遂

抗章論之掌南京錦衣衛事都指揮劉敬父子
怙勢肆虐言官莫敢誰何琳獨疏其不法敬遂

逮繫降黜而子亦戍邊風裁凜然轉山
東按察司僉事劾勞職事以疾乞歸卒

董方

字仲矩潯縣人正統乙
丑進士歷官刑部尚書

董俊

南樂人由舉人受知英廟不俟廷奏擢監察御
史中外奇之未幾陞雲南按察司副使會尋甸
府夷叛俊勒兵討之兵不血刃而首
惡就擒境內宴然陞本省按察使

董進第

元城人成正統進士筮仕歷知慈谿太湖二
縣俱有惠政湖人乃立祠祀之累遷吏科都

給事中後忤旨歸杜門不出有司罕窺其面交章薦之不獲大用士林惜之

董嚴

臨清人少聰敏性多仁愛淡然無欲長領宣德鄉薦授南宮教諭生徒有貧者嚴即推俸以食

擇其聰明特達者又身自為之教育寒暑不輟白圭輩多成偉器邑人莫不思之

董阜民

字德之慶都人以明經舉任工部主事質直方毅不為容悅時同官有被譖繫獄者阜民

疾篤恐其罹刑置諫書於懷死都門上憐其死諫命禮葬之遂赦被譖者

董鼎

同州人正統中任芮城教諭歷知州為人清謹消虎患絕蝗災興利除害景泰初召見賜鈔定

陞吏部員外郎

董倫

字誠之上海人天順甲申進士歷御史

欽定四庫全書

萬如縣志
卷六十八

五

董綱

字萬紀涇縣人吳寬榜進士除大理寺評事轉寺副果斷有才不妄許與擢雲南按察司僉事

守法不徇為時所重
攻詞章善真草書法

董威

威縣人成化丁未進士任南京戶部主政轉郎中清慎自持陞江西布政使參議時逆瑾播弄威福藩臬多納賂求媚不者必陰中傷之威曰枉道徇人剝民取寵君子不為也吾寧自守以獲罪吾甘心焉瑾聞之果矯詔遣輸粟於居庸關以贖罪威傾囊輸之了無怨色轉參政遂求

去當時稱為

急流勇退

董倬

涇縣人天性孝友庭無間言少從邑庠徐旭受舉于業旭染疫羣弟子逃避獨奮身供藥餌得

愈甚罷之嘗以詩贈兄傑
忠孝備至次子鏐官進士

董越

字尚矩寧都人性雅飭博學善文成化己丑賜進士及第累官翰林學士南京工部尚書嘗典

試文衡所取多得人奉使朝鮮著朝鮮賦館閣推重居官清介端謹恥奔競卒謚文僖

董時望

樂安人登成化甲辰進士授御史幼孤事母至孝居喪以毀聞性剛介有經濟大志力學

厲行非義不取三十餘卒於官無以為殮所存有雪峯稿

董傑

字萬英涇縣人弘治初進士疏論經筵事知沔陽時大旱蠲租開廩賑乏民荷更生莅任三月

以事去悉取賑籍焚焉民攀援泣送者以千計歷官至都御史

董玘

字文玉會稽人弘治乙丑舉禮部第一登進士及第第二授翰林編修歷諭德詹事嘉靖初修

武宗實錄玘因上言曰昔者武宗即位纂修孝宗實錄於時大學士焦芳依附逆瑾變亂國事

報復恩怨毒流天下猶為未足又肆其不逞之心
將以欺乎後世其於叙傳即意所比必曲為掩
護即風所嫉輒過為醜詆又時自稱述甚至矯
誣敬皇而不顧凡此類皆陰用其私人謄寫同
在纂修者或不及見伏望將孝宗實錄一併發
出逐一重為校勘出於焦芳一人之私者悉改
正之庶敬皇知人之哲不為所誣而諸臣難明
之迹得以自雪傳之無窮可據以為信矣不然
萬世之下安知此為芳之私筆也哉疏上士論
愜然其諸經筵陳奏據經議禮亦多類此官至
吏部左侍郎兼翰林學士以憂制
歸為胡明善汪鉉論劾遂不復出

董鐫

字啟之琳子弘治庚戌進士補上海令興利除
害頌聲載道陞監察御史未幾輒屢上封事如

論救副使楊茂元等此其尤大者既而出按雲
南鎮守太監孫景與都督盧和交構累經按鞠

莫敢與決鑰承旨一訊輒得情皆寘諸大辟及
劉瑾竊柄除不附己者乃矯詔逮之勒令致仕
瑾誅復徵竟
以病不起

董銳

字抑之昌邑人弘治
癸丑進士歷布政使

董湮

字子濤海寧衛人能詩吟咏至忘寢食晚年從
王陽明講學盡棄所習人有非之者笑曰吾將

從吾所好遂自
號曰從吾道人

董恬

字世良上海人弘治丙
辰進士歷官大理寺卿

董天錫

字壽甫寧都人弘治丙
辰進士歷官大理寺卿

董鏊

字濟之鄞縣人正德辛
未進士歷官給事中

董子俊

字羽吉上海人嘉靖戊戌進士歷官都御史

董學

字希顏海寧人嘉靖丙辰進士任行人歷御史巡按宣大真定鋤強扶善革里甲定均平實心

為民立志以君子自期惜厄於病不竟其所施

董策

字希仲長沙人嘉靖辛丑進士歷官布政使

董珊

字邦奇膚施人嘉靖丙戌進士歷都御史

董威

字仲夫信陽州人嘉靖辛丑進士歷官都御史

董世彥

字子才鈞州人嘉靖癸丑進士歷三邊都御史兵部右侍郎贈尚書

董邦政

字克平陽信人由選貢嘉靖中任六合知縣廉勇慷慨心思所及輒多奇績當道禮之陞

浙江兵備僉
事禦倭有功

孔

魯國角音子姓之後微子啟封宋弟微仲衍六世孫
正考父生孔嘉父以字為氏鄭有孔張出於子衛有

孔悝魏有孔達出於
姬姓同而族異也

周

孔子

其先宋人六世祖孔父嘉之子奔魯遂為魯人
父叔梁紇母顏氏禱於尼邱生孔子因名丘少

習禮容適周見老子曰弟子益進適齊景公欲
以尼谿田封孔子晏嬰沮之退而修詩書禮樂
魯定公以孔子為中都宰一年四方皆則之進
為司空復為大司寇三月而誅少正卯齊懼於
魯會于夾谷孔子攝行相事遂歸所侵之田還
墮三都齊人饋女樂而孔子適衛歷聘各國復
歸魯正樂晚而喜易因魯史作春秋年七十三
卒弟子心喪三年魯追謚尼父漢追謚宣尼公

後周追封鄒國公唐追封文宣王宋加至聖元
加大成自漢以來皆封其後本朝益尊崇之世
封其後為衍聖公擇其
後之賢者世知曲阜縣

孔鯉

孔子之子嘗趨庭受詩禮之訓先孔子
卒後世累封為泗水侯從祀孔子廟庭

孔忠

孔子兄之子後世累封
鄆城侯從祀孔子廟庭

孔伋

鯉子為魯穆公師公問可以利民者曰毀不居
之室以賜民奪嬖寵之祿以賑困匱無令人有
怨愁而後世有聞見也作中庸以述道統之
傳後世追封沂國述聖公配享孔子廟庭

孔白

伋子博通羣書
仕齊威王為相

孔斌

孔子六世孫魏王聞其賢聘以為相秦伐趙魏
以為便斌曰吾聞燕雀處室啁啁相樂竈突炎

上棟宇將焚不知禍之將及已也相魏凡九月
務陳大計不用乃喟然曰言不用居官食祿是
尸位素餐矣

遂辭以疾

孔穿

字子高孔子七代孫楚魏趙三國交聘不就嘗
與公孫龍會於平原君所辨其白馬非馬之說

龍又言臧三耳甚難而實非也謂兩耳甚易而實是
然謂三耳甚難而實非也謂兩耳甚易而實是
也不知君將從易而是者乎亦從難而非者乎
平原君謂公孫龍曰公無復與孔子高辨事其
人理勝於辭公辭勝於理辭勝於理終必
受詘嘗著儒家之語十二篇名之曰閏

孔文子

衛大夫名圉衛大叔疾娶於宋文子使出其
妻而妻其女孔悝疾誘其初妻之姊置于犁

為一宮文子怒將攻之訪於仲尼仲尼曰胡簋
之事嘗學之矣甲兵之事未之聞也遂行疾懼

奔宋國人立其弟遺文子以姑適遺子貢疑其
謚文而問孔子子曰敏而好學不恥下問是以

謂之文釋曰非經
天緯地之文也

孔悝

莊叔之後文子圉之
子也事衛輒為卿

孔距心

齊平陸
大夫

孔鮒

字子魚孔子八世孫博通經史秦始皇併天下
召為魯國文通君遷少傅丞相李斯始議焚書

鮒聞收其家論語尚書孝經等
書藏於舊宅壁中隱於嵩山

孔丘

秦時人與賂法通等十人避亂相與結交遠訪
大道來玉笥山修煉歲久道成騰空而去惟

仙良一人慢遊不
與但成地仙云

漢

孔貞

孔子十世孫該習古今有高
尚之志徵為博士封褒成侯

孔臧

孔子十一代孫文聚為漢都尉以破項羽功封
蓼侯臧嗣爵歷位九卿武帝時遷御史大夫辭

曰臣世以經學為家相承作訓法今俗儒繁說
遠本雜以妖妄難可以訓侍中安國受詔綴集

古義臣乞為太常典臣家業與安國紀綱古訓
使永垂後嗣帝從之禮賜如三公著書十篇賦

二十篇又嘗作書與
從弟安國皆有義

孔安國

孔子十二世孫申公弟子治古文尚書承詔
作傳武帝朝為諫議大夫以文章政事名當

時

孔霸

字文孺孔子十三世孫昭帝時為
博士後為元帝師賜爵關內侯

孔均

字長平孔子十六世孫好學有大才平帝時封褒成侯王莽以為太尉三以疾辭得還

孔子建

孔子十六代孫少遊長安與崔篆友善及篆仕王莽勸子建仕對曰吾有布衣之心子有

衮冕之志各從所好不

亦善乎遂歸終於家

孔僖

字仲和魯國人孔子十九代孫自安國以下世傳尚書僖仕肅宗為蘭臺令史從幸闕里帝曰

今日於卿有光僖曰陛下崇禮先儒增輝聖德至於光榮非所敢承帝大笑曰非聖門子孫安

有斯

言

孔季彥

孔子二十代孫嘗過梁梁人有繼母殺父其子殺之有司欲當以大逆季彥曰繼母如母

謂有父也今既殺父母名已絕昔文姜與弑魯桓春秋去其姜氏宜以非司寇而擅殺當之不

當以逆論延光二年河南大雨雹帝召見問其故對曰此陰乘陽之徵也今貴臣擅權母后黨熾陛下宜修聖德慮此二者帝默然左右皆惡之李彥曰吾豈容媚勢臣而欺人君乎歸終於家

孔光

字子夏霸子明經學居公輔前後十七年歷事成哀平三朝上賜靈壽杖歸老於家

孔褒

山陽張儉與孔融兄褒有舊為中常侍侯覽所怨亡抵於褒不遇儉見融少之而不告融見其

有窘色謂曰兄雖在外吾獨不能為君主邪因留舍之後事泄國相以下密就掩捕儉脫去遂并收褒融送獄二人未知所坐融曰保納金藏者融也當坐之褒曰彼來求我非弟之過請甘其罪吏問其母曰家事任長妾當其辜一門爭死疑不能決乃上獻詔書竟坐褒

孔喬

字子松宛人學古文尚書春秋左氏傳喬幽居修德銳意典籍至乃歷年身不出門鄉里莫得

瞻見漢安帝時公

車徵不行卒于家

孔休

字子泉陳留人成帝時守新都王莽時去官歸莽遣使齎玄纁束帛請為國師遂嘔血托病自

絕

孔恂

新淦人為州別駕車前舊有屏星如刺史車制刺史因怒欲去之恂曰撤去屏星毀國舊儀別

駕可去屏星不可省即投傳

去刺史追謝乃不去屏星

孔嵩

字仲山南陽人家貧親老乃變姓名為新野傭友人范戎行部見而識之把嵩臂曰子非孔仲

山邪對之嘆息語及平生曰昔與遊集家學吾蒙國恩致位牧伯而子懷道隱身處於卒伍不

亦惜乎嵩曰昔侯羸長守於賤業晨門肆志於
抱關子居九夷不患其陋貧者士之常豈為鄙
哉傭如
故不去

孔昱

字元世魯人少習家學大將軍梁冀辟不應太
尉舉方正對策不合乃辭病去後遭黨禁錮靈

帝即位公車徵拜議郎補洛陽令以師喪棄官卒於家

孔奮

字君魚茂陵人少受學劉歆王莽末避兵河西
為賓融守姑臧與妻子甘澹泊而奉母極厚光
武時單車就徵吏民饋遺悉不受
後遷武都太守郡中稱為清平

孔融

字文舉孔子二十世孫為北海相立學校表儒
術獻帝都許召拜大中大夫融高談清教可玩
而誦名重當時值漢室之亂志在靖難然
才疎意廣訖無成功曹操忌其威望害之

三孔淳之

字彥深本魯人孔子二十六代孫居會稽剡縣性好山水每有所遊或旬日忘歸會稽太

守苦要之不能致使謂曰苟不入吾郡何為入吾郭淳之笑曰潛遊者不識其水巢栖者非辨

其林終不肯往宋元嘉初徵為散騎常侍不就

晉孔愉

字敬康會稽人從父奕明察過人仕為全椒令愉幼孤養祖母以孝聞後隱新安山中以稼穡

讀書為務建興初始出應召以功封餘不亭侯遷侍中太常蘇峻反愉朝服守宗廟卒年七十

五謚曰貞從弟羣志尚不羈官至中丞

孔衍

字舒元孔子二十二世孫少好學年十二能通詩書元帝引為安東叅軍掌記室書令殷積而

衍亦以稱職見知

孔羣

字敬休愉從弟性嗜酒與親友書云今年田得秫七百石不足了麴糵其耽酒如此仕晉歷中

丞

卒

孔汪

字德澤愉之子好學有志行孝武帝時位至侍中時茹千秋以佞媚見倖於會稽王道子汪屢言於帝帝不納以不合意出為廣州刺史政績甚著為嶺表所稱

孔沉

字德度何充薦於王道子曰文思通敏宜登宰門辟丞相司徒掾不就

孔坦

字君平為侍中常發憤以國事為己憂嘗從容言於帝曰陛下春秋已長聖敬日躋宜博納朝臣諂諛善道由是忤導出為廷尉怏怏不悅以疾去職加散騎常侍遷尚書未拜疾篤庾亮省之乃流涕坦慨然曰大丈夫將終不問安國寧家之術乃作兒女子問邪永深謝焉

孔祗

字承祖元帝時太守周禮命為功曹史禮為沈充所害故人賓吏莫敢近者祗冒刃號哭親行殯禮送喪還義興時人義之

孔嚴

會稽人隆和元年天文失度哀帝欲依鴻祀之制於太極殿前庭親執虔肅尚書左丞嚴諫曰鴻祀雖出於尚書大傳先儒所不究歷代莫之興承天接神豈可以疑殆行事乎天道無親惟德是輔陛下祗順恭敬留心兆庶可以消災復異皆已蹈而行之德合神明丘禱久矣豈須屈萬乘之尊修雜祀之事君舉必書可不慎歟帝嘉之而止

孔暹

字世遠好典故學與王儉交昇明中為齊臺尚書儀曹郎屢箴闕禮多見信納上謂王儉曰暹真所謂儀曹不忝厥職儉為宰相暹常謀議帳儉從容啟上曰臣有孔暹猶陛下之有臣永

平中為太子家令卒

孔子

少孤好學耕耘樵采常懷書自隨明古文尚書為國子助教遷西省學士助賀琛撰錄累

遷中書通事舍人武帝撰五經講疏及孔子正言子祛常攷閱羣書以為義證又自撰註尚書及尚書義後加散騎侍郎卒於官

孔僉

通五經尤明三禮孝經論語生徒數百人三為五經博士值太清之亂卒於家子淑玄亦以文學著官至太學博士兄子元素善三禮亦有盛名

南孔鮮

孔子二十六世孫恢廓有大度好學博覽宋元嘉中封崇聖侯子乘二十七世孫博學有才藝

魏延興中封崇聖侯

孔琇之

靖孫有吏能任南齊為吳令後遷廷尉卿出為臨海太守在任清約隆昌中累遷江夏內

史

孔靖

愉孫宋初從平關洛以為尚書令辭乃拜侍中解事東歸武帝餞之戲馬臺百僚咸賦詩以述

其美子靈運

位著作郎

孔琳之

字彥琳孔子二十八代孫好文藝解音律妙艸隸桓玄輔政以為西閣琳不能順玄旨意

故不見知累遷尚書左丞宋臺初建除宋國侍

中永初二年為御史中丞直法無所撓武帝行

經蘭臺親加臨幸卒贈太常琳

不事產業家貧素有文集十卷

孔

覲字思遠山陰人琳之姪孫覲孝建中為長史不媚權倖醉日居多而明曉政事醒時判決無壅

弟道存從弟道徽請假東還輜重四十餘船皆
綿絹紙席覲曰汝輩忝預士流何至作賈豎耶

孔稚珪

字德璋山陰人仕南齊累遷都官尚書珪風
韻清疎好文詠飲酒七八斗門庭內艸萊不

前中有蛙鳴嘗笑謂客
曰我以此當兩部鼓吹

孔靈符

元嘉末為南譙王義宣司空長史南郡太守
尚書吏部郎世祖大明初自侍中為輔國將
軍郢州刺史又為尋陽王子房右軍長史太守
如故慤實有才幹不存華飾每所莅官政績修
理前廢帝景和中犯忤
近臣為所讒構殺之

孔靈產

宋泰始中罷晉安太守有隱遁之志於禹井
山立館事道精篤頗解星文好術數齊高帝
輔政沈攸之起兵靈產白高帝曰攸之兵衆雖
強以天時冥數而觀無能為也高帝驗其言擢

光祿大夫以麓盛靈產上靈臺令占其候賜靈產白羽扇素几曰君有古人之風贈君以古人

之服當

世榮之

孔祐

山陰人隱於四明山嘗見山谷中有數百斛錢有鹿中矢投祐祐泰之創愈乃去引羣復來依祐太守王僧虔與張緒書曰孔處士行動幽祇德標松桂辟拜不就此古之遺德也子道徽亦有高行

孔奐

字休文陳永定中除晉陵太守郡中號曰神君曲阿富人殷綺見其儉素餉以衣襪一具奐曰太守身居美祿豈不能辦此但百姓未周不容獨享溫飽不煩厚意

孔休源

字慶緒山陰人晉尚書冲之八世孫舉秀才為太學博士梁大通中行荆徐州事畫決詞

訟夜覽墳籍
書盈七千卷

孔伯恭

鄴人仕魏累官鎮東將軍後以散騎常侍彭城鎮將都督除南北兗州諸軍事

唐孔紹安

蚤知名勵志於學陳亡外兄虞世南謂紹安曰本朝淪覆吾分湮滅有弟若此知不亡矣

紹安與孫萬壽皆以文辭稱時謂之孫孔子禎歷監察御史門無賓謁時譏其介禎子季訓擢制科授秘書郎陳子昂稱其神清韻遠可比衛玠從子若思

孔敏行

字至之元和初擢進士第歷官諫議大夫時李絳遇害事本監軍楊叔元朝議莫敢顯攻

之者獨敏行上書極論其罪風力勁然未及大用早卒贈工部尚書

孔若思

山陰人唐初擢明經歷庫部郎中嘗曰仕官至郎中足矣座右置止水一石明自足意後

遷禮部侍郎弟仲思遷給事中三任並與

兄同府時人榮之若思子至歷著作郎

孔璋

許昌人李邕下獄當死璋以布衣上書謂邕往者折二張之角挫韋氏之鋒有功於國臣無益

於時願以身代

之遂減邕死

孔逵

抗直有才藻製東都賦於是才士稱之

孔穎達

彛州人孔子三十二世孫誦記日千餘言及長善屬文隋末舉明經後仕唐累官國子司

業遷祭酒撰五經正義子志

孫惠俱為司業時人美之

孔斌

明州刺史明貢蚌蛤淡菜水陸勞費斌奏罷之歲免役夫四十餘萬

孔潤

保昌人少聰明嗜學景福初進士官至朝散大夫遷袁州刺史

孔巢父

字弱翁冀州人孔子三十七世孫少力學李季卿薦為參軍德宗時與李白韓準裴政張

叔明陶沔號竹溪六逸後使李懷光遇害子戡官至禮部尚書孫緯尚書左僕射

孔戡

字勝始孔子三十八代孫進士及第補大理評事左昭義軍盧從史偃蹇不軌戡極諫之不從遂以疾歸洛陽未幾李吉甫鎮揚州表置幕府從史誣以事奏三上詔戡以衛尉丞分司東都呂元膺執不可憲宗遣使諭曰朕非不知戡行用之矣卒追贈司勳員外郎

孔戡

字方舉戡之弟初父死難詔與一子官補修武尉不受以讓其兄戡擢明經書判為校書郎累遷京兆尹時歲旱文宗憂甚戡躬祠曲江池一夕大澍帝悅詔兼御史大夫卒贈工部尚書子溫業書舉進士大中時為吏部侍郎求外遷宰相白敏中顧同列曰吾等可少警孔吏部不樂

欽定四庫全書

漢書卷六十八

二十七

居朝矣後為太子賓客

孔述睿

梁侍中休源八世孫少與兄弟克符克讓篤孝偕隱嵩山而述睿資嗜學大厯中劉晏薦

於代宗累擢司勳員外郎史館修撰述睿每一遷即至朝謝俄而辭疾歸以為常德宗立拜諫議大夫兼賜第宅固辭久乃改秘書少監以太子賓客還鄉

孔戣

字君嚴孔子三十八代孫舉進士累遷諫議大夫穆宗召為左丞以老自乞韓愈謂曰公尚壯

上三留何去之果戣曰吾年一宜去吾為左丞不能進退郎官二宜去愈曰公無留資何恃而歸曰吾負二宜去尚奚顧予言愈上疏言戣守節清苦議論正平憂國忘家用意至到今求退陛下若不聽許亦無傷義而有貪賢之美不報以吏部尚書致仕賜羊酒如徵士禮

孔緯

字化文，錢之孫。舉進士，歷集賢直學士，擢御史中丞。性方雅，疾惡中外間風，未繩輒肅。遷吏部

侍郎，權要私謁至盈几，一不省當路，不悅。改太

常卿，僖宗欲幸蜀，避朱玟次陳倉，緯策玟必反

建言，請幸梁州，進兵部侍郎。玟平，從帝還，領諸

道鹽鐵，轉運使。累遷尚書左僕射，封魯國公。卒。

追贈

太師

孔禎

高宗朝為州長史。曹王明不循法度，禎每進諫，不從。後坐法，遷黔中。謂人曰：「吾愧不用孔長史

之言，累遷

澤州刺史。

孔承恭

京兆人。昭宗東遷，舉族隨之，遂占籍河南父

卿。以疾求解官，且言：「早遊嵩少間，樂

其風土，願卜居焉。」授將作監致仕。

孔至

字惟微中宗時歷著作郎氏族學與韋述蕭穎士柳沖齊名撰百家類例以張說等為近世新

族則去之說于垣方有寵怒曰天下族氏何豫若事而妄紛紛邪垣弟素善至以實告初書成示韋述謂可傳及聞垣語懼欲更增損述曰止丈夫奮筆成一家書奈何因人動搖有死不可

改遂

罷

五代孔仁玉

字溫如孔子四十三代孫善六藝尤精春秋初孔未既害光嗣自為曲阜令時仁玉方生

九月母張氏抱歸育於外家後魯人見其長事聞於朝乃罷未以仁玉為先聖嗣襲封文宣公後周太祖幸廟召對賜章服贈兵部尚書後世以孔氏苗裔幾絕復續推為中興祖

孔括

字端仲伯源父淑叔滋皆登第括宰淳安縣公清廉介名震行都高宗題殿柱曰史師孔括比

滿百姓詣闕借留上顧宰相曰可轉一
官令再任後更與陞擢歷任終濠州守

宋孔宜

字不疑孔子四十四代孫祖光嗣唐末泗水主
簿父仁玉九歲通春秋為曲阜令屢舉進士不

第乾德中詣闕上書述其家世詔以為曲阜主
簿襲封文宣公累遷殿中丞太宗嘗賜詔稱其
服勤素業砥礪廉隅宜生延世襲
封其次子曰憲曰勗皆中進士第

孔勗

字自牧兗州人孔子四十五代孫進士及第以
殿中丞通判廣州以清潔聞有治行召對以為

博士歷尚書工

部侍郎致仕

孔旼

字寧極孔子四十六代孫宋時隱居汝州汝陽
城事親至孝讀書循禮法性孤潔喜聞善環府

百里之人皆愛慕之見旼於路輒歛衽以避莖
其父廬墓三年卧破棺中日食米一盞壁間生

紫芝數十本州以

行義聞特賜旌表

孔維

字為則雍邱人乾德中以九經及第為國子博士使高麗王治問禮維對以君臣父子之道升

降等威之序治悅曰今日復見中國之夫子也累遷國子祭酒校定五經疏義

孔延之

字長源新喻人宣聖四十七世孫幼孤貧晝則帶經耕鋤夜則燃松讀書慶厯間舉進士

九遷至司封郎中平生惟與周敦頤曾鞏最友善

孔道輔

字原魯孔子四十六世孫勗子舉進士為寧州推官累遷御史中丞仁宗時伏闕爭廢后

事出知泰州徙兗州未幾復為中丞遇事彈劾不避權貴出知鄆州

孔延世

嘉祐間知封州遺愛在民三子文仲武仲平仲同讀書於郡齋後人榜曰桂堂

孔文仲

字經文延世子性狷直學問博洽嘉祐間舉進士再遷台州推官熙寧初范鎮以制舉薦

極論新法之害為王安石所黜哲宗初再遷左諫議大夫改中書舍人同知貢舉以疾卒有文

集五

十卷

孔武仲

文仲弟嘉祐間舉進士累官國子司業嘗論科舉之弊詆王氏學進拜中書舍人直學士

院建北郊議累遷禮部侍郎出知洪州坐元祐黨奪職居池州卒有所著詩書雜文總百餘卷

孔平仲

字敬父武仲弟治平間舉進士為集賢校理紹聖間坐黨籍謫知衡州再謫惠州別駕安

置英州徽宗即位召還累官金部郎中平仲長於史學工文詞著續世說等書行世

孔端友

宣聖四十八代孫宋襲封衍聖公靖康之變與子玠隨高宗南渡因賜地居衢終宋之世

皆襲爵封元初封宣聖後疑所立或言孔氏子孫寓衛者乃其宗子召孔洙赴闕洙遜於居曲阜者世祖曰寧辭榮而不違道真聖人之後也拜國子祭酒本朝凡孔子子孫居衛者悉復其家

孔宗哲

先聖四十六代孫宋崇寧三年以白身最長補迪功郎堂差興仁府東氏縣主簿

孔若采

先聖四十七代孫宋宣和四年以白身最長補迪功郎充興仁府濟陰縣主簿

孔端木

知臨江軍修庠序之教文風丕振後與張著並祠於郡學

孔端直

曲阜人孔子四十七代孫道城尹有政聲

孔宗翰

字國翰道輔子氣貌渾厚事親孝登進士第知仙源縣歷知虔陝揚洪兗州皆以治聞元

祐初累官刑部侍郎以實文閣侍制知徐州未拜而卒

孔良輔

道輔弟性慷慨有吏才官至大理寺丞上章求退帝嘉之授太子中舍弟彥輔授將作監

主簿父疾乞歸養十五年衣不解帶藥必先嘗鄉黨稱孝官至國子博士

孔傳

字世文道輔孫精於易學操行介潔建炎初與孔端友南渡寓居衢州率族人拜疏於闕下叙家門故事嘗知邵州鋤強扶弱吏民畏服知陝州平鼎澧寇以功知撫州建昌進續白氏六帖文樞要記詔送秘書省所著有東家雜記杉谿集官至中散大夫子端已歷官奉議郎

孔元龍

字季凱孔子五十代孫尚志篤學從真德秀游任餘干縣簿後為柯山精舍山長以宣教

郎致仕年至九十手不釋卷所著有柯山講義論語集說魯樵叟稟奏議叢壁卒贈太子少師

孔思齊

知果州號為循吏
郡人為立良牧碑

孔嗣宗

嘉祐中以榮州資官令措置大寧監凡監事
有不便於民者悉除去民以為便立祠祀之

孔宗旦

魯人為邕州司戶叅軍儂智高未反時州有
白氣出庭中宗旦以為兵象度智高必反以

告知州陳珙珙不聽及智高反州破
被執賊欲任以事宗旦大罵遂被害

孔元勳

番禺人自少穎異長益惇厚紹興初中進士
乙科授迪功郎連州教授正身善誘知封州

能文章工詩清勁
沉蔚類其為人

金孔端甫

孔子四十八代孫明昌初進士党懷英薦其
年德俱高讀書樂道該通古學召至京師特

賜及第除將仕郎小學
教授以主簿奉致仕

孔璠

孔子四十九代孫宋襲封衍聖公端友弟端操之子天眷中詔求孔子後加璠承奉郎奉祀事

卒子
拯襲

孔總

字元會孔子四十九代孫少穎悟通左氏春秋及襲封衍聖公管勾祀事世宗召赴闕下欲留

任用總力辭請專祀事特授曲阜令
嚴潔祭祀敦睦親族終奉直大夫

孔元用

字俊卿孔子五十一代孫貞祐初元措從宣宗遷汴元用攝祀事及宣宗克平山東擢襲

封衍聖公改濟州通判兼京東西路按撫時
太師國王征益都以元用偕行沒於城下

元
孔希禎

字仕祥盤庚都人宣聖五十六代孫仕元晉寧路教授母老歸養洪武初以儒士舉有詩

上當道云正當報主勤勞日爭奈逢親喜懼時
辭之不允授河南涉縣教諭擢工部屯田主事

所著有葛莢

集藏於家

孔元

字彥亨新河人少有志操稍長膽力絕人屢從征討有績授忠武校尉加宣武將軍右威衛親

軍總管卒子鷹揚孫

成祖皆世襲佩金符

孔公俊

字師道曲阜人宣聖五十三代孫至正間尹邵武縣邑新被寇公俊存恤勞徠惠化兼施

嘗曰逆節之萌由教養之無法也乃輕徭薄賦愛重民力首輸佐費之泉且會廩稍之美大修學宮俾攝學事李宗屋董其役役不及民財不斂衆而功告成

孔思晦

字同道孔子五十四世孫資質端重而性簡默讀書講求義理不事詞章家貧躬耕以為

養雖劇寒暑而為學弗懈遠近爭聘為弟子師襲封衍聖公修理廟庭請加封宣聖父為啟聖王

母為王夫人

卒謚文肅

孔午

宣聖五十四代孫自四世祖因徙居於蕭午當金末聚眾誓約捍禦一境民賴以安元初授徐

州觀察副使以壽終

孔淮

宣聖五十七代孫為江山縣尹廉勤為吏民所服弟灝繼之亦有政聲

孔福

字伯祥天鐸次子天才識度非眾可肩壯年選充唐山尉太行盜賊蠹午委捕驍悍無敵束手

就擒者有之叛命斬首者有之四境泰然一寧朝推其勲陞南和尹見沙河孔氏世族記

孔文貞

字從善東平人宣聖之裔至元知崇安練達措置催科不擾救饑恤患剔蠹去貪修崇廟

學獎與善類平反冤濫民化翕然去任兩暮邑人思之不忘

孔火

字天璧一字秀夫平陽人少好學隨妻父許澹齋至豫章熊朋來薦之行省授永新儒學正改龍溪書院長後陞江州教授所至皆有聲士輩慕之除湖口簿均賦役抑豪強邑稱神明及為慶元紹興會稽尹政事皆如湖口年六十稱疾還家以詩文自娛壽八十餘而終

明孔克堅

字璟夫思晦子博貫經史尤善左氏春秋授資政大夫襲封衍聖公時以克堅明習禮學徵為同知太常禮儀院事未幾拜中臺治書侍御史授國子祭酒集賢學士山東廉訪使皆不就明朝洪武間詔入覲侍以賓禮而不名

孔立

廬州人洪武元年由秀才齋印來知上杭歸附之始百廢未興立秉心廉直庶政畢舉是年夏蘭秀山賊寇境民甚警駭乃謀於邑人蔣公旦設計殲其渠魁悉平餘黨民賴以安有虎為害

以文告於圓峯神虎患遂息時大旱苗皆就槁
百姓憂之立製文虔禱雨應期而至苗得以甦
故邑推善政
以立為稱首

孔秉忠

洪武中郾城典史沙河水歲為患秉忠率民築堤四十餘里其患遂息以至治民事神各

得其道以能
陞信陽知縣

孔克中

字庸夫孔子五十五代孫洪武初知吳江州凡事修飭惠政事新

孔克表

平陽人孔子五十五代孫博學篤行尤精於史學洪武中薦為翰林修撰

孔克仁

曲阜人高廟命授諸皇子經功臣子弟亦令就學

孔克勲

洪武初清河知縣勸農興學修舉廢墜不勞民不傷財吏民悅服

孔克愚

字鈍夫，仁和人。宣聖五十五世孫。父文學，任西湖書院主。奉建德路總管府知事，遂家焉。

克愚讀書隱居夾城之上，有西塋吟稿、歲鄉飲邸，每請為大賓。年八十二卒。翰林學士曾榮銘。

墓其

孔顯

靈璧人。洪武初，以右衛鎮撫知鄧州。時值兵餘，民散地無居守者二十餘年。顯至，詢其故址，相

地築城，修舉廢墜，收集散亡人，多來歸。內鄉盜起，顯率所部兵盡殲之。境內安堵，以功賜龍衣一襲。尋陞正千戶。後調貴州烏撒左所，致仕歸。鄧卒入祀名宦祠。顯生著著生安，安生泰，俱襲烏撒衛千戶。泰生懷征，普安有功。陞烏撒衛指揮懷生、鸞生、鸞生，學俱襲指揮。其子孫在鄧者亦多業儒。登仕籍云。

孔復

字士亨山東博興人永樂初以御史出知九江府宅心純厚廉公有威案牘清而吏弊殄田野

聞而民用饒至

今人猶頌之

孔文英

字世傑陝西安化人先聖之後也永樂十九年進士宣德初知江西廬陵縣擢浙江道御

史直黃巖縣有健訟者構捏齊民三千人相聚譁張為非文英奉勅鞫問一訊既得其羅織之情立遣誣誤之衆獨械首訟一人至京處治中外服其明果官至刑部侍郎

孔克中

曲阜人永樂中衍聖公以賢薦為本縣令克中力農不受後迫之乃從既官營葺祖廟睦

族愛民至今德之附祀鄉賢祠

孔註

曹縣人宣聖之後性孝友經史無不通貫能詩詞永樂辛卯舉人任工部主事以清慎聞後陞

陝西布政司右叅政

孔誠

註之弟治詩經百家子史無不通貫時人無老少賢愚皆知其孔生也永樂宣德間有司屢薦

之皆以母老固辭不就

孔諤

曲阜人永樂中舉鄉試上寵異特賜進士任左春坊中允賜宅一區教皇太子師道嚴正一無

所阿上憚之後轉大理評事累官河南按察司僉事

孔友諒

長洲人其先出闕里永樂進士改庶吉士雙流知縣上言六事上命禮部行之宣德間赴

考吏部第一

孔公恂

字文宗孔子五十八代孫景泰中舉進士授禮科給事中賞先邊戍弊革侵漁歷遷左春

坊左

諭德

孔鏞

字韶文友諒子景泰進士歷工部侍郎平生忠信自許不顧利害論者謂其無愧古人初任高

州知府乘一馬往招洞賊徐行抵其營神色不動與極論禍福衆皆解散歸降人服其量

孔公才

字希文山東曲阜人宣聖五十八代孫由江都知縣擢兵部主事調大名通判正德七年

陞知和州以嚴為治令行禁止州治後山舊為武人所侵公才復之闢學基增號房造祭器建尊經閣其功不一

孔天胤

字汝錫汾州人宣聖後裔嘉靖進士第二督浙江學校頗稱得士歷河南左布政

統

見姓苑

萬姓統譜卷六十八

欽定四庫全書

萬姓統譜卷六十九

明 凌迪知 撰

二腫

鞏

山陽宮音周卿士鞏簡公之後

周

鞏朔

晉大夫宣十二年行成于鄭成二年獻捷于周

漢

鞏伋

為漢侍中秉忠貞之節

鞏弘武

戶部郎中

鞏收

侍中

欽定四庫全書

卷六十九

五代 華廷美 徐州都押牙

宋 華嶸 孝宗朝提點坑冶
定鑄額十五萬

華湘 淳熙中知廣州
除龍圖閣待制

華豐 字仲至武義人從呂祖謙游淳熙以太學上舍
對策高第教授漢陽軍遭母喪免復授浙東提
刑司幹辦會改法本路人不許為監司屬官遷
幹辦福建帥司公事後知臨安縣政尚寬簡吏
民信化刑罰衰息尋以祠祿罷卒年七十豐挾
奇才人謂宜居館閣中秘而徘徊下列人多惜
之

華山 淳熙中任
市舶提舉

鞏信

安豐軍人為荆湖統制老將沉勇有謀招淮士數千自隨天祥趨永豐大兵追其後信戰於方

石嶺中數矢傷重不能戰自投崖石而死贈清遠軍承宣使立廟旌之

鞏廷均

錢塘令嘗撰錢塘湖山遊覽記

鞏申

光祿卿

元

鞏彥暉

易州人與兄彥榮俱以武勇稱初彥榮以百夫長累立戰功及老彥暉代之從伐宋次武

昌宋援兵四集彥暉逆戰被傷度不免遂投水中敵援之載歸江州不屈竟死子信以功累官

千戶

明鞏思勉

平遙人成化舉人

鞏貫道

遼州人成化舉人

鞏思憲

字廷章東平人正德甲戌進士任員外郎

鞏釗

南昌人正德間大名府通判

鞏思容

東平州人舉人嘉靖四年任安化知縣性剛毅明辯法行禁止有巨盜匿其贓物思容一

訊立得其情民皆稱之

鞏有年

鳳翔人嘉靖中任通州訓導

鞏雲梯

青城人萬厯間壽州知州

拱

見姓苑

明朝拱北和順人景泰進士

拱廷傑臨桂人嘉靖舉人

拱廷臣字隣甫臨桂人嘉靖丙戌進士歷叅議

垌

宋垌夫漢川人嘉定進士嘉

寵見姓苑

五代寵令圖李金全署為中門使

勇見姓苑望出南海

欽定四庫全書

卷六十九

周

勇獲

吳大夫

明

勇金

景泰間任
瑞州千戶

勇英

定遠人邵
武衛千戶

奉

見姓苑

漢

奉揮

馬軍使

宋

奉真

善醫熙寧中名聞於東都天章閣待制許元為
江淮發運使奏課於京師時欲入對而其子疾

亟懼欲死使奉真視之曰脾已絕不可治死

在明日元曰固然今方有事須陞對能延數日

否奉真曰此可為也諸臟已衰唯肝臟獨過脾

為肝勝其氣先絕絕則死若急瀉肝氣令衰則

脾少緩可延三日過此無術也乃投之藥至晚
遂漸蘇元極喜奉真笑曰此不足喜肝氣漸舒
耳無能為也越三日果卒奉真之為醫也其診
視之妙不差銖分其法傳之元覺元覺傳之法
琮及子初皆能續
其術馳聲一時

明

奉科

蘭陽人洪武中
以人材任知縣

奉明

宣化人宣
德舉人

奉張

山東濰縣人弘治
中任遷安縣主簿

永

南永欽道

趙王殿
長史

隴見姓苑

甬見姓苑

總見姓苑

甬音總見直音

重上聲又音平聲見姓苑

種見姓苑

三講

項商音遼西本姬姓齊桓滅項子孫以國為氏

周項橐 春秋時人八
歲孔子師之

項曼都 學仙十年歸家詐云到天上仙人以流霞杯
飲我不饑渴忽思家到帝前謁拜失儀見斥

河東因號
斥仙人

項燕 世為楚將燕子
梁梁從子籍

項籍 字羽力能扛鼎秦末起兵吳中自立為西楚霸
王後敗垓下歌曰力拔山兮氣蓋世時不利兮
騅不逝騅不利兮可奈
何虞兮虞兮奈若何

項伯 羽季父也沛公見羽鴻門伯為之先容後項莊
拔劍起舞欲擊於坐伯以身翼蔽沛公得免高
祖即位封伯為
列侯賜姓劉氏

漢項仲山

安陵清者飲馬渭水
每投三錢郝廉亦然

唐項斯

字子遷臨海人擢進士第仕為丹徒尉為人清
奇雅正尤工於詩故楊敬之有平生不解藏人

善到處逢人說項
斯之句由此知名

宋項德

武義人宣和間寇陷婺州德率百餘人與戰俘
賊甚多方繕甲謀復隣邑適王師至欲會合殲

之賊聞盡銳邀德於黃姑嶺下德力戰而死
邑人哭聲振山谷圖像於城隍廟歲時祀焉

項安世

字平甫括蒼人淳熙初進士除秘書正字光
宗以疾不朝重華宮安世上書不報尋遷校

書郎寧宗即位應詔言事未幾以偽黨罷後以
直龍圖閣為湖南轉運判官所著有易玩集等
書

項充

字德英龍泉人幼未知學兄洵美訓督甚至後與胡銓俱以春秋學馳聲終父母喪兄弟當析

產充盡以遜兄以報其教育之恩詔旌表門閭

項思默

茶陵人紹興進士

項公澤

字澤潤永嘉人由童科擢第以文學飾吏事買田養士為政廉敏百廢俱舉官至中奉大

夫

項牧

字伯謙歙人先世多以易取貢然皆不偶至牧以詩舉紹興丙子淳熙甲辰衛涇榜初授榮州

文學權鎮江府丹陽簿為省試對讀官轉修職郎郴州軍事推官以文學知名於時

項肆

字處約淳安人登紹熙四年進士第為江寧郡學教授遷湖口縣令政教大行吏民懷服時詔

給官價買義役田肆子訓欣然割己之田應詔
不受官價縣令陳曄嘉歎因更其所居青溪鄉

曰和義千仞
里曰歸善云

項虎

字子文淳安人質厚學純年十八魁鄉舉咸
淳七年登進士第為武康尉值宋亡遂棄官

而歸

項公悅

字無欲永嘉人出仕所至有政聲初調閩縣
簿再調福清縣簿邑有七賢之謠公悅居其

首改無為軍司理讞閩志寢食獄為空改秩知
侯官縣治加恢拓庭無扑聲會歲旱禱雨瑞澤
潭在萬山頂披棘徒行烈日中數十里下山驟
雨隨注兩晝夜歲稔而公悅病渴矣病革家人
環泣問以身後不應再問瞪目曰某因疑未判
其事未能圓一語不及私林石室銘之曰以死

救民誰則有此循吏之傳執筆孰書

明項文曜

字應昌淳安人穎悟絕倫年十九以春秋擢鄉闈第二人宣德八年登進士第兵書王驥

奇其材俾修馬政復奉使西洋所至皆不擾民而事治授兵部主政未幾征麓寇及整飭遼東邊備皆著效勞尋除本部郎中正統十四年北狄犯邊陞右侍郎轉吏部遷左侍郎兼詹事府少詹事文曜持已涖官竝以勤敏清慎著聞内外人咸服之

項伯藏

仁和人博學閭館授徒若翰林侍講王洪刑部員外郎孫迪壽州同知夏節及弟筠皆出

其門壽至九十餘卒

項忠

字蓋臣嘉興人正統壬戌進士歷刑部員外郎從英廟北狩陷敵中得還遷廣東按察副使謀

報高州賊數百擄男婦流劫鄉村忠曰流賊無
搗家理獲俘訊之皆良民盡釋之歷陝西按察
使尋遷右副都御史撫陝西固原土默特穆蘇叛
有衆二萬我軍失利廷議推忠總帥忠曰此虜
須坐困乃據賊水草持百日謀賊渴甚有欲降
者忠乃單騎入營衆因解甲來歸而穆蘇尚劫
營大小三百餘戰皆却忠擒其愛將楊呼哩不
殺解所佩金鉤遺之遣使內應一鼓擒之凱旋
陞右都御史荆襄賊李胡子聚流民爲亂復詔
忠督帥忠榜諭散歸流民百四十萬編戍萬餘
斬首三千餘級因獻俘上便宜十事尋轉刑部
尚書改兵部加太子太保先是錦衣百戶韋瑛
挾中鎗汪直勢屢興大獄戮辱京朝官傾壓中
外忠具疏率公卿列奏坐落職後陷忠者皆敗
始復忠官
卒謚襄毅

項聰

字彥輝崑山人正統乙丑進士歷布政

項伍

字如僉瑞安人正統初任無錫尹明恕仁厚扶植善良不畏強禦嘗逮繫京師衆以溫言接訟

者伍獨毅然不屈事白還任正統末致仕邑民留其靴掛愛民坊上仍立碑識愛

項素

字思誠奉化人景泰辛未進士授湖廣道監察御史奉勅征討四川筠連等縣蠻夷親冒矢石

率先戎行險阻瘋痺一無所避卒以成功因積勞致病力疾回朝復命遂卒於邸舍以死勤事知者惜之曾孫守禮舉進士仕至山西按察司副使

項倬

字所洪龍泉人景泰辛未進士歷知府

項文泰

吏部侍郎文曜之弟登天順四年進士第授工部主事克盡厥職賜勅褒嘉陞本部郎中

卒於

官

項旻

字崇仁永嘉人少聰敏操筆為文儼然有奇氣登成化壬辰進士第開口談天下事磊磊落落

儕輩咸服其論議知建陽縣廉介自勵旌孝義禮先賢政平訟簡甫二年丁母憂歸尋卒

項經

字誠之嘉善人成化丁未進士歷參政

項錫

字東仁嘉善人嘉靖癸未進士歷光祿寺卿子治元丙辰進士


項喬

字遷之永嘉人嘉靖己丑進士歷知撫州廬州綽著賢聲陞湖廣按察副使渾樸明斷見事最

蚤楚愍王橫暴無忌內外洵洵喬謂僚友曰王將罹禍迺撰勸諭省戒書千言投之仍令曉文

義者朝夕講讀冀其遷徙言甚剴切王不納旋有英耀殺逆之禍一時左右導淫助惡者有司

窮治殆無子遺悉中喬旨為人心事洞然無城
府以古人為必可師見善如不及一時稱名士
云



萬姓統譜卷六十九